

四庫全書

集部

欽定四庫全書

集部

文選卷三十五至

詳校官庶吉士臣汪彥博

助教臣常循覆勘

總校官檢討_臣何思鈞

校對官編修_臣勵守謙

謄錄監生_臣李經威

欽定四庫全書

文選卷三十三

梁蕭統編

唐李善註

騷下

九歌二首

屈平

王逸注

少司命

秋蘭兮麝蕪羅生兮堂下

言已供神之室閑而清靜衆香之草又環其堂下羅列而

生誠司命君所宜幸集也

綠葉兮素華芳菲菲兮襲予

襲及也予我也言芳草茂

盛吐葉垂華芳香

夫人自有兮美子

夫人謂萬民也

蓀何以兮

愁苦

蓀謂司命也言天下萬民人人自有子孫司命可為主握其年命而用思愁苦

秋蘭兮青

青綠葉兮紫莖

言已事神崇敬重種芳草莖葉五色香益暢也

滿堂兮美人忽

獨與余兮目成

言萬民衆多美人竝會盛滿於堂而司命獨與我睨而相視成為親親也

入

不言兮出不辭

言神往來奄忽入不語言出不決辭其志難知也

乘回風兮載

雲旗

言司命之去乘風載雲其形貌不可得見

悲莫悲兮生別離

屈原思神畧畢憂愁

復出乃長歎曰人居世悲哀莫樂莫樂兮新相知言天

痛與妻子生別離傷已當之也樂莫大於男女始相知之時也屈原荷衣兮蕙帶儵而

言已無新相知之樂而有生離之憂來兮忽而逝言司命被服香淨往來奄忽難當值也夕宿兮帝郊帝謂天命君

誰須兮雲之際言司命之去暮宿於天地之郊誰待於雲之際乎幸其有意而顧已與汝

遊兮九河衝飈起兮水揚波與汝沐兮咸池咸池星名也蓋天池

晞汝髮兮陽之阿晞乾也詩云匪陽不晞阿曲阿日所行也言已願託司命俱沐咸池乾髮

陽阿齋戒潔已冀蒙天祐也望美人兮未來美人謂司命也臨風恍兮浩歌

恍失意貌也言已思望司命而未肯來臨疾風而大歌冀神聞之而來至也孔蓋兮翠旌言司

文選

命以孔雀之翽為車蓋弱登九天兮撫彗星九天八方
翠之羽為旌旗言殊飾也司命乃昇九天之上撫持彗
星欲掃除邪惡輔仁賢也竦長劍兮擁幼艾幼艾也
艾長也言司命持長劍以誅絕惡擁護萬人長少使各得其命
心公方無所阿私善者佑之惡者誅之故宜為萬民之正

山鬼

若有人兮山之阿

有人謂山鬼也阿曲隅也

被薜荔兮帶女蘿

女蘿薜荔

也言山鬼彷彿若人見山之阿被薜荔之衣以薜荔為帶也薜荔薜荔皆無根緣物而生山鬼亦杳忽無形故衣之以薜荔也
既含睇兮又宜笑睇微眄也言山鬼之狀體含妙容美目眇然又好口齒而

宜
笑子慕予兮善窈窕

子謂山鬼也窈窕好貌也詩云窈窕淑女言山鬼之貌既以姱麗亦

復慕我有善行好姿是故來見其容也

乘赤豹兮從文狸辛夷車兮結桂

旗

辛夷香草也言山鬼出入乘赤豹從神狸結桂與辛夷以為車旗言有香潔也

被石蘭兮帶

杜衡

石蘭杜衡皆香草也

折芳馨兮遺所思

所思謂清潔之士若屈原者也言山鬼修

飾衆香以崇其神屈原履行清潔以厲其身神人同好故折芳馨相遺以同其志也

余處幽篁兮

終不見天

言山鬼所處乃在幽昧之內終不見天地所以來出歸有德也或曰幽篁竹林

路險

難兮獨後來

言所處既深其路險阻又難故來晚暮後諸神

表獨立兮山之

表特也言山鬼後到獨立於山之上而自異也

雲容容兮而在下杳冥冥兮羌

晝晦

言山鬼所在至高雲出其下雖白晝猶冥晦

東風飄兮神靈雨

飄風貌也詩云

匪風飄兮言東風飄然而起則靈應之而雨以言陰陽相感風雨相和屈原自傷獨無和也

留靈修

兮憺忘歸

靈修謂懷王也

歲既晏兮孰華予

晏晚也孰誰也言已宿留懷王冀其

還已心中憺然安而忘歸年歲晚暮將欲疲老誰當復使我榮華也

采三秀兮於山間

逸

三秀謂芝草也

石磊磊兮葛蔓蔓

言已欲服芝草以延年命周旋山間求而求之終不能得

但見山石磊磊葛草蔓蔓或曰三秀秀才之士隱處者也言石草者喻所在深也

怨公子兮悵

忘歸

公子謂公子椒也言所以怨公子椒者以其知已忠信而不肯違故我悵然失志而忘歸也

君

思我兮不得聞

言懷王時思念我顧不肯以閒暇之日召已謀議

山中人兮芳

杜若

山中人屈原自謂也

飲石泉兮蔭松柏

言已雖在山中無人之處猶取杜若以為

芬芳飲石泉之水蔭松柏之木

君思我兮然疑作

言懷王有

思我時然謔言妄作故令狐疑者也

雷填填兮雨冥冥，援啾啾兮狔夜鳴。

風颯颯兮木蕭蕭。

言已在深山之中遭雷電暴雨援狔號狔响風木搖動以言恐懼失其所

也或曰雷為諸侯以興於君雲雨冥晦以興佞臣援猴善鳴以興讒言風以喻政木以喻人雷填填者君妄怒也雨冥冥者羣佞聚也援啾啾者讒夫弄口也風颯颯者政煩擾也木蕭蕭者民驚駭也

思公子兮

徒離憂

言已恐子椒不見達故遂憂愁

九章一首

序曰九章者屈原之所作也屈原放江南之野故復作九章章著也明也言已

所陳忠信之道甚明著也

屈平

王逸注

涉江

余幼好此奇服兮

奇異也或曰奇服好服也

年既老而不衰

衰懈也已少好

奇偉之服履忠直之行至老不懈

帶長鋏之陸離兮

長鋏劍名也其所握長劍楚人名曰

長鋏也

冠切雲之崔巍

崔巍高貌也言已內修忠信之志外帶長利之劍戴崔巍之冠其高

切青雲也

被明月兮佩寶璐

在背曰被寶璐美玉也言已背被明月之珠腰佩美玉德寶兼

備行度清白

世溷濁而莫余知兮

溷亂也濁貪也

吾方高馳而不顧

言時世貪亂遭君蔽闇無有知我之賢然猶高行抗志終不回曲也

駕青虬兮驂白螭

虬螭

神獸宜於駕乘以喻賢人清白宜可信任也

吾與重華遊兮瑤之圃

重華舜名也瑤

石次玉也圃園也言已想待虞舜遊玉圃猶言遇聖帝升清朝也

登崑崙兮食玉英

猶言

坐明堂受爵位

與天地兮比壽與日月兮齊光

言已年與天地相敵名與日月

同曜也

哀南夷之莫吾知兮

屈原怨毒楚俗嫉害忠貞乃曰可哀哉南夷之人無知我

賢者也

旦余濟兮江湘

旦明也濟渡也言已遭放棄以明旦時始去遂渡江湖之水言明旦

之者紀時明刺君不明也

乘鄂渚而反顧兮

乘登也鄂渚地名也

歎秋冬之緒

風

欵歎也緒餘也言已登鄂渚高岸還望楚國嚮秋冬北風愁而長歎之中憂思也

步余馬兮

山臯邸余車兮方林

邸舍也方林地名言我馬壯強行山臯無所驅馳我車堅牢拴於方

林無所載任也以言已才德方壯誠可任用棄在山野亦無所施也

乘舲船余上沅兮

舲船

有窻牖者也

齊吳榜以擊汰

吳榜船櫂也汰水波言已始去乘窻船西上沅湘之水士卒齊

舉大櫂而擊水波自傷去明堂之上而入湖澤之中也或曰齊悲歌言愁思也

船容與而不進

兮淹回水而疑滯

疑惑也滯招也言士衆雖同力引櫂船猶不進隨水流使已疑惑有竟還

之者

朝發枉渚兮

枉渚地名

夕宿辰陽

辰陽亦地名言已乃從枉渚宿辰陽自傷

去日速也或曰枉曲也渚止也辰時也陽明也言已將去枉曲之俗而處時明之鄉苟余心其端

直兮

苟誠也

雖僻遠之何傷

僻在也言我惟行正直之心雖在遠僻之域猶有善稱無

害疾也故論語曰子欲居九夷也

入溲浦余儻徊兮

溲水名也

迷不知吾之

所如

迷惑也如之也言已思念楚國雖循水涯意猶迷惑不知所之

深林杳以冥冥兮

草木茂盛

乃猿狖之所居

非賢士之道徑

山峻高以蔽日兮

言峻岨危傾也

下幽晦以多雨

言暑濕泥濘也

霰雪紛其無垠兮

涉冰凍之盛寒

雲霏

霏而承宇

室屋沉沒與天連也或曰日以喻君山以喻臣霰雪以喻殘賊雲以象佞人山峻高以蔽

日者謂臣掩君明也下幽晦以多雨者羣下專擅施恩惠也霰雪紛其無垠者殘賊之政害仁賢也雲霏霏而

承宇者佞人竝進滿朝廷也

哀吾生之無樂兮

遭遇讒佞失官祿也

幽獨處乎

山中

遠離親戚而斥逐也

吾不能變心而從俗兮

終不易志隨枉曲也

固將

愁苦而終窮

愁思無聊身困極也

接輿髡首兮桑扈羸行

接輿楚狂接輿

也髡剔也首頭也自刑體避世不仕也桑扈隱士也去衣羸袒效夷也言屈原不容於世引比隱者以自慰

忠不必用兮賢不必以

以亦用也

伍子逢殃兮

伍子伍子胥也為吳王夫

差臣諫令伐越夫差不聽遂賜劍而自殺後越竟滅吳故逢殃也

比干殖醢

比干紂之諸父也紂

淫惑妲己作糟丘酒池長夜之飲斲朝涉剖孕婦比干正諫紂怒妲己曰聖人之心有七孔於是乃殺比干剖

其心而觀之故言殖醢也

與前世而皆然兮

謂行忠直而遇患害若比干子胥也

吾又

何怨乎今之人

言自古有迷亂之君若紂夫差不用忠信滅國亡身當何為復怨今之君乎

余將董道而不豫兮

董正也豫猶豫也言已雖見先賢執忠被害猶正身直行志不猶豫

而有狐疑也

固將重昏而終身

昏亂也言已不逢明君思慮交錯心將重亂以終年命

卜居一首

序曰卜居者屈原之所作也原放棄乃往太卜之家卜已居俗何所宜行

屈平

王逸注

屈原既放三年

遠去郢都處山林也

不得復見

道路解遠所在深也

竭智盡

忠

建造策謀披胸心也

蔽鄣於讒

遇諂佞也

心煩意亂

意憤悶也

不知所從

迷瞽眩也

乃往見太卜鄭詹尹

稽神明也鄭詹尹工師姓名也

曰余有所疑

意惑也願因先生決之

斷吉凶也

詹尹乃端策拂龜

整儀容也

曰君

將何以教之

願聞其要

屈原曰

吐詞情也

吾寧悃悃歟歟

志純也

朴

以忠乎

竭誠信也

將送往勞來

追俗人也

斯無窮乎

不困貧也

寧誅鉏

草茅

刈蒿管也

以力耕乎

耕稼穡也

將遊大人

事貴戚也

以成名乎

榮譽

立寧正言不諱

諫惡也

以危身乎

被刑戮也

將從俗富貴

食重祿也

以媮生乎

身安樂也

寧超然高舉

讓官爵也

以保真乎

守玄默也

將呬

訾慄斯

承顏色也

喔咿嚈唳

強笑噓也

以事婦人乎

誣蜚局也

寧廉潔

正直

志如玉也

以自清乎

修潔白也

將突梯滑稽

轉隨俗也

如脂如韋

柔弱曲也人以絜楹乎順滑寧昂昂志行高也若干里之駒乎才絕殊也

將汜汜普愛衆也若水中之鳧乎羣戲遊也與波上下隨衆高卑偷以

全吾軀乎身無憂患寧與騏驥抗軛乎沖天驅也將隨駕馬之迹

乎安步徐也寧與黃鵠比翼乎飛雲隅也將與雞鶩爭食乎啄糠糟也

此孰吉孰凶誰喜憂也何去何從安所由也世溷濁而不清貨賂行也

蟬翼為重近讒佞也千鈞為輕遠忠良也黃鍾毀棄賢隱藏也瓦釜雷

鳴愚謹訟也讒人高張居朝堂也賢士無名身窮困也吁嗟嘿嘿兮世莫

論誰知吾之廉真賢也詹尹乃釋策而謝愚不曰夫尺

有所短

騏驥不驟中庭

寸有所長

雞鶴知時而鳴

物有所不足

地虧東南角也

智有所不明

孔子厄陳蔡也

數有所不逮

天不可計量也

神有所不通

目不能夜照也

用君之心

所念慮也

行君之意

遂本操也

龜策誠不能知

此事

不能決君之志

漁父一首

序曰漁父者屈原之所作漁父避俗時遇屈原怪而問之遂相應答

屈平

王逸注

屈原既放

身斥逐也

遊於江潭

戲水側也

行吟澤畔

履荆棘也

顏色憔悴

悴

肝衡黑也肝古旱切衡力遲切

形容枯槁

瘠瘦瘠也

漁父見而問之

怪屈原也

曰子非三閭大夫歟

謂其故官

何故至於斯

易為遭此患也

屈原曰

世人皆濁

衆貪鄙也

我獨清

忠潔已也

衆人皆醉

惑財賄也

我獨醒

廉

守

是以見放

棄草野也

漁父曰

隱士言也

聖人不凝滯於萬物

不困

辱其身也

而能與世推移

隨俗方圓

世人皆濁

人貪婪也

何不渥其泥

同其身也

而揚其波

與沉浮也

衆人皆醉

巧佞曲也

何不鋪其糟

從其俗也

而歎其醜

食其祿也

何故深思高舉

獨行忠直

自令放為

遠在他域

屈

原曰吾聞之

受聖制也

新沐者必彈冠

拂土芥也

新浴者必振衣

去塵穢也

安能以身之察察

已清也

受物之汶汶者乎

蒙垢也

寧

赴湘流

自沉淵也

葬於江魚腹中

身消爛也

安能以皓皓之白

皓皓

猶皎皎也

蒙世俗之塵埃乎

被汙點也

漁父莞爾而笑

笑離也

鼓枻

而去

叩船舷也

乃歌曰滄浪之水清兮

喻世昭明

可以濯我纓

沐浴

朝升滄浪之水濁兮

喻世昏闇

可以濯我足

宜隱遁也

遂去不復與

言

合道真也

九辯五首

序曰九辯者楚大夫宋玉之所作也辯者變也九者陽之數也道者綱紀也謂

陳說道德以變說君也宋玉屈原弟子閔惜其師忠而放逐故作九辯以述其志也

宋玉

王逸注

悲哉秋之為氣也

寒氣聊戾將歲暮也

蕭瑟兮

陰氣促急風疾暴也

草木搖

落

華葉墮零肥潤去也

而變衰

形體易色枝枯槁也自傷不過將與草木俱衰老也

慄慄兮

思念暴戾心自傷也

若在遠行

遠客出去之他方也

登山臨水兮

升高望遠

視江也

送將歸

族親別逝還故鄉

沈寥兮

沈寥曠蕩而虛靜也或曰沈寥猶蕭條無雲貌

也沈音血

天高而氣清

秋天高朗體清明也言天高朗照見無形傷君昏亂不聰明也

寂寥

兮

源瀆順流漢無聲也

收潦而水清

溝無溢潦百川靜也言川水夏濁而秋清傷君無有清明

之時

慙悽增欷兮

愴痛感動歎息也

薄寒之中人

傷我肌膚愴變顏色也

怏憤恨兮

中情愴悵意不得也

去故而就新

初會鉅錡志未合也

坎廞兮

數遭

患禍身困窮也

貧士失職

亡失財物逢寇賊也

而志不平

心常憤懣意未明也

廓落

兮

喪志失偶塊獨立也

羈旅而無友生

遠客寄居孤單特也

惆悵兮

後黨失輩惆悵愁

毒而私自憐

竊內念已自閔傷也

燕翩翩其辭歸兮

將入大海飛徊翔也

寂寞而無聲

蟪蛄斂翅而伏藏也

鴈噓噓而南游兮

雄雌和樂羣戲行也

鷄喈喈而悲鳴

奮翼呼而低昂也夫燕鴈遇秋寒將穴處而懷懼候鴈鷄喜樂而逸豫言無

有候鴈鷄之喜而有蟬燕之憂也

獨申旦而不寐兮

夜坐視瞻而終明也

哀蟋蟀

之宵征

見蜻蛚之夜行自傷放棄與昆蟲為雙也或曰宵征謂七月在野八月在宇九月在戶十月蟋蟀入我牀下是其宵征行也

其宵征行也

時疊疊而過中兮

年已過半日進往也疊疊進貌毛詩曰疊

王

蹇淹留而無成

雖久壽者無成功也

悲憂窮蹙兮

修德見過愁懼惶也

獨處廓

孤立特止居一方也

有美一人兮

位尊服好謂懷王也

心不繹

常念弗解內結藏也

去鄉離家兮

昔違邑里之他鄉也

來

遠客

去郢南征濟沅湘也

超逍遙兮

遠出游逝離州城也

今馬薄

欲止無賢皆讒賊也

專思君兮

執心一意在胸臆也

不可化

同姓親聯恩義篤也

君不知兮

聰明淺短

志迷惑也可奈何

頑嚚難啓長歎息也

蓄怨兮積思

結恨在心慮憤鬱也

心煩懣

兮忘食事

思君念主忽不食也

願一見兮道余意

舒偶忠誠自陳列也

君之

心兮與余異

方圓殊性猶白黑也

車駕兮竭而歸

迴逝言還欲反國也

不得

見兮心悲

自傷流離路隔塞也

倚結軫兮太息

伏車重軫而涕泣也

涕潺湲

兮霑軾

泣下交流濡茵席也

慷慨絕兮不得

中心悲恨心剝切也

中瞽亂兮

迷惑

思食煩惑忘南北也

私自憐兮何極

哀祿命薄常含戚也

心怵怵兮諒

直

忠行忠正無所告也

皇天平分四時兮

何宜春生而秋殺也爾雅曰四時利為通正

竊獨悲此凜

秋

微霜淒愴寒慄烈也

白露既下降百草兮

萬物羣生將被害也

奄離披此

梧楸

痛傷茂木
人芟刈也

去白日之昭昭兮

違離天明
而湮沒也

襲長夜之

悠悠

永處冥冥
而覆蔽也

離芳藹之方壯兮

去已盛美
之光容也

余委約而

悲愁

身體疲病
而憂窮也

秋既先戒以白露兮

君不弘德
而嚴令也

冬又申

之以嚴霜

刑罰刻峻
而重深也

收恢台之孟夏兮

上無仁恩以養
民夫天制四時

春生夏長人君則之以養萬物秋殺冬藏亦順其宜而
行刑罰故君賢臣忠政合大中則品庶安寧萬物豐茂
上闇下僞用法殘虐則貞良被害草木枯落故宋玉援
引天時託譬草木以茂美樹興於仁賢早遇霜露懷德
君子忠而被害也

然坎𡵚而沈藏

民無住足竄巖數
也楚人謂住曰𡵚

葉菸邑而

無色兮

顏容變易
而蒼黑也

枝煩擘而交橫

柯條糾錯
而崩巖也

顏淫溢而

將罷兮

形象羸瘦無潤澤也

柯彷彿而委黃

腹內空虛皮乾脂也

薊櫛櫛之

可哀兮

華葉已落莖獨立也

形銷鑠而瘵傷

身體焦枯被病久也

惟其紛糅

而將落兮

蓬茸顛仆根蠹朽也

恨其失時而無當

不值聖主而年老也

覽駢

轡而下節兮

安步徐馬而勿驅也

聊逍遙以相羊

且徐低徊以遊戲也

歲忽

忽而道盡兮

年歲逝往之若流也

恐余壽之弗將

懼我性命之不長也

悼余

生之不時兮

傷已幼少後三王也

逢此世之狂攘

卒遇譖讒而遽煌也

澹容

與而獨倚兮

榮榮獨立無朋黨也

蟋蟀鳴此西堂

自閑傷已與蟲竝也

心忪

惕而震盪兮

思慮惕動沸若湯也

何所憂之多方

內念君父及兄弟也

仰明

月而太息兮

上告昊天
愬神靈也

步列星而極明

周覽九天仰觀
星宿不能卧寐

乃至
明也

竊悲夫蕙華之曾敷兮

蕙草芬芳以興
在位之賢臣也

紛旖旎乎都房

被服盛飾於宮殿也旖旎
盛貌也詩云旖旎其華

何曾華之無實兮

外貌若忠
而心佞也

從風雨而飛颺

隨君嗜欲而回傾也夫風為號令雨為
德惠故風動而草木搖雨降而萬物植

故以風雨喻君政言
德惠所由出之也

以為君獨服此蕙兮

體受正氣
而高明也嗟

無以異於衆芳

乃與佞臣
之同情也

閔奇思之不通兮

傷已忠策
無由入也

將去君而高翔

適彼樂土
之他域也

心閔憐之慘悽兮

內自哀念
心惻隱也

願一見而有明

分別忠誠與偽惑也

重無怨而生離兮

身無罪過而遂放也

中結軫而增傷

肝膽破裂心剖

豈不鬱陶而思君兮

憤念

蓄積盈胸臆也

君之門以九重

門闕扃閉道路塞也

猛犬信信而迎吠兮

讒佞謹呼而在側也

關梁閉而不通

關人指承呵問急也

皇天淫溢而秋霖

兮

久雨連日澤深厚也

后土何時而得乾

山阜濡澤草木茂也

塊獨守此無

澤兮

不蒙恩施獨枯槁也

仰浮雲而永歎

翹天語神我何咎也

何時俗之工巧兮

世人辯慧造詐偽也

背繩墨而改錯

違廢聖典背仁義也

夫繩墨者工之法度也仁義者民之正路也繩墨用則曲木截仁義進則讒佞滅二者殊義不可不察也却

騏驥而不乘兮

斥逐子胥與比干也

策駑駘而取路

言任賢刀當與椒蘭也

世豈無騏驥兮

家有稷契與管晏也

誠莫之能善御

世無堯舜及桓文也

見

執轡者非其人兮

遭值桀紂之亂昏也

故駒跳而遠去

披髮為奴走橫奔也

鳬鴈皆啖夫梁藻兮

羣小在位食重祿也

鳳愈飄翔而高舉

賢者伏匿

竄山園鑿而方枘兮

正直邪枉行殊則也

吾固知其鉏鋸而難入

谷也

衆鳥皆有所登棲兮

羣佞竝進處安爵也

鳳獨遑遑而

無所集

孔子棲棲而困厄也

願銜枚而無言兮

意欲括囊而靜默也

常被君

之渥洽

前蒙寵遇錫祉福也

太公九十乃顯榮兮

呂尚耆老然後貴也

誠未

遇其匹合

遭值文王功冠世也

謂騏驥兮安歸

躊躇吳坂遇伯樂也

謂鳳皇

兮安棲

集棲梧桐食竹實也

變古易俗兮世衰

以賢為愚時闇感也

今之相

者兮舉肥

不量才能視顏色也

騏驥伏匿而不見兮

仁賢幽處而隱藏也

鳳

皇高飛而不下

智者遠逝之四方也

鳥獸猶知懷德兮

慕歸堯舜之明德也

何云賢士之不處

大老太公歸文王也

驥不驟進而求服兮

千木闔門

而辭相也

鳳亦不貪餒而忘食

顏闔鑿培而逃亡也

君棄遠而不察兮

介推割股而自放也

雖願忠其焉得

申生至孝而被謗也

欲寂寞而絕端兮

甯武伴愚而不言也

竊不敢忘初之厚德

常受祿惠識舊恩也

獨悲愁其傷

人兮

思念纏結
推肺肝也

馮鬱鬱其何極

憤懣盈胸
終年歲也

招魂一首

序曰招魂者宋玉之所作也宋玉憐哀
屈原厥命將落作招魂欲以復其精神

延其年
壽也

宋玉

王逸注

朕幼清以廉潔兮

朕我也不求曰清不
受曰廉不汙曰潔

身服義而未沫

沫已也言我少小修清潔之行身服
仁義未曾有懈已之時也沫音昧

主此盛德兮牽於

俗而蕪穢

牽引也不治曰蕪多草曰穢言已施行常以
道德為主以忠事君以信結交為俗人所推

引德能蕪穢
無所用也

上無所考此盛德兮

考校也

長離殃而愁苦

殃禍也言已履行忠信而遇闇主上則無所考校已盛德長遭殃禍愁苦而已

帝告巫陽

帝謂天也

女曰巫陽

曰有人在下我欲輔之

人謂賢人也招屈原也宋玉上設天意祐

助貞良故曰帝告巫陽有賢人屈原在於下方我欲輔成其志以厲黎民也

魂魄離散汝筮

予之

魂者身之精魄者性之決也所以經緯五藏保守形體也著曰筮尚書曰決之著龜言天帝哀閔屈

原魂魄離散身將顛沛使巫陽

巫陽對曰掌夢

巫陽對天地言

招魂者本掌夢之官所主職也

上帝其命難從

言天帝難從掌夢之官欲使巫陽招之也

若

必筮予之恐後謝之不能復用巫陽焉

謝去也巫陽言如必欲先筮問

求魂魄所在然後與之恐後世怠懈必乃下招曰巫陽

卜筮之法不能復修用但招之可也

帝之命因下招魂兮來歸還歸屈去君之恒幹恒常也

屈原之魂也

易曰貞者何為兮四方此言魂靈當扶人養命何為去

事之幹也

人須魂而生魂待人而榮二者別離命則實零舍君之

也或曰去君之恒閉里也楚人名里曰閉也

樂處而離彼不祥些舍置也祥善也言何為舍君楚國

衆惡魂兮歸來東方不可以託些託寄也論語曰可以

也託六尺之孤言東方

之俗其人無義不長人千仞唯魂是索些七尺曰仞索

可以託寄身也

有長人國其高千仞

主求人魂而食之也十日代出代更流金鑠石些鑠銷

也

文選

東方有扶桑之木十日竝在其上以次更行其勢酷烈金石堅剛皆為銷釋彼皆習之魂往

必釋些歸來歸來不可以託些魂兮歸來南方不可以

止些

言南方之俗其人無信不可久留也

雕題墨齒

雕畫也題額也

得人肉而祀

以其骨為醢些

醢醬也言南極之人雕畫其額齒牙盡黑常食龜蛇得人之肉用祭先祖復以

其骨為醢醬

蝮蛇蓁蓁

蝮大蛇蓁蓁積聚之貌

封狐千里些

封狐大狐也言炎上

之氣多蝮虺積聚蓁蓁爭欲齧人又

雄虺九首往來儼

忽吞人以益其心些

儼忽疾急貌也言復有雄虺一身九頭往來奄忽常喜吞人魂魄以

益其賊害之心也

歸來歸來不可久淫些

淫遊也言其惡如此不可久遊必被害也

魂兮歸來西方之害流沙千里些

流沙沙流而行也言西方之地厥土不毛

流沙滑滑晝夜流行從橫千里又無舟航者也

旋入雷淵

旋轉也淵室也

靡散而不可

止些

靡碎也言欲涉流沙則回入雷公之室運轉而行身雖靡碎尚不可得休止也

幸而得脫

其外曠宇些

曠大也宇野也言從雷淵雖得免脫其外復有曠遠之野無人之土也

赤蟻

若象

蟻蚍蛄也

玄蠡若壺些

壺乾瓠也言曠野之中有赤蟻其大如象又有大飛蜂腹大如

壺皆有蠶毒能殺人

五穀不生叢菅是食些

柴棘為叢菅茅也言西極之地不生五穀

其人但食柴草若羣牛也

其土爛人求水無所得些

言西方之土溫暑而熱焦爛人

身內渴欲求水無有源泉不可得也

彷徨無所倚廣大無所極些

倚依也言欲仿

徉東西無人可依其野廣歸來歸來恐自遺賊些賊害大行不可極也彷彿滿忙切

魄欲往者魂兮歸來北方不可以止些增冰峨峨飛雪

千里些言北方常寒其冰重累峨峨如山涼風急疾雪隨之飛行千里乃至地也歸來歸來

不可以久些言其寒殺人不可久留也魂兮歸來君無上天些天不可得

上虎豹九闕啄害下人些啄齧也天門九重使神虎豹執其開閉言啄天下欲上之

人而一夫九首拔木九千些言有丈夫一身九頭強梁殺之多力從朝至暮拔大木九

千枚豺狼從目往來佻佻些佻佻行聲也詩曰佻佻征夫有豺狼之獸其目皆從

奔走往來其聲佻佻爭欲啗人懸人以嬉投之深淵些投擲也言豺狼得人不得即啗食

先懸其頭用之嬉戲疲倦已致命於帝然後得瞑此

瞑

後乃擿於深淵之底而棄之也言投人已訖上致命於歸來歸來往恐危身此

往則逢害

天帝然後乃得眠卧也

身危魂兮歸來君無下此幽都些

幽都地下后土所治也地下幽冥故曰幽

都土伯九約其角鬐鬐些

土伯后土之侯伯也約屈也鬐鬐角利貌言地有土伯執

衛門戶其身九屈有鬐鬐觸害人也敦脈血拇

敦厚也脈背也拇手拇指也

逐人駉駉

些駉駉走貌也言土伯之狀廣肩厚背逐人駉駉其走捷疾以手中血漫汚人

參目虎首其

身若牛些

言土伯之頭其貌如虎而有三日身又肥大狀如牛矣

此皆甘人歸來

歸來恐自遺災些

甘美也災害也此物食人以為甘美往必自害不旋踵

魂兮歸

來入修門些

修門郢城門也宋玉設呼屈原之魂歸工楚都入郢門欲以感激懷王使還之也

祝招君背行先些

工巧也男巫曰祝背倍也言選擇名工巧辯之巫使招呼君倍道先行在

前宜秦篝齊縷

篝落也縷線也

鄭縣絡些

縣縷也絡縛也言為君魂作衣乃使秦人

織其篝落齊人作綵縷鄭國

招具該備永嘯呼些

該亦備也

言之工纏而縛之堅而且好也言撰設甘美招魂之具靡不舉備故長嘯大呼以招君也夫嘯者陰也呼者陽也陰主魂陽主魄故必嘯呼以感魂兮歸來反故居些

反還也故古也言宜急來歸還古昔之處

天地四方

多賊姦些

賊害姦惡也言天有虎豹地有土伯東有長人西有赤熒南有雄虺北有增冰皆為姦惡

以賊像設君室

像法

靜閒安些

無聲曰靜室寬曰閒言乃為君造設第室法像

舊廬所在之處清靜寬閒可安樂之
高堂邃宇
邃深也宇屋也
檻層軒些
檻楯也从曰檻

橫曰楯軒樓板也言所造之室其堂高顯屋宇深邃下有檻楯上有樓板形容異制且鮮明也
層臺累

榭
層累皆重也有木謂之臺無木謂之榭
臨高山些
言復作層重之臺累石之榭其顯眇眇上

乃臨於高山也或曰
網戶朱綴
網戶綺文鏤也朱丹也綴緣也
刻方連

些
刻鏤也橫木闕柱為連言門戶之楣皆刻鏤綺文朱丹其緣雕鏤綺木使方好也
冬有突夏

突
複室也夏大屋也詩云於突烏弔切
夏室寒些
言隆冬凍寒則有大屋複突溫

我乎夏屋渠渠也
川谷徑復
流源為川注谿為谷徑過也復反也
流瀍

湲些
言所居之舍激導川水經過園庭
光風轉蕙
謂雨

已日出而風草木有光色轉搖也

汜宗蘭些

汜猶汎汎搖動貌也崇充也言天霽日明微風奮發

動搖草木皆令有光充實蘭蕙使之芬芳而益暢

經堂八奧

謂之奧西南隅

朱塵筵些

朱丹也塵承塵也筵席也詩云肆筵設席言升殿過堂入房至奧處上則有朱畫承塵下則有筵簟好席可以

休息也或曰朱塵筵謂承塵薄壁曼延相連接也

砥室翠翹

砥石名也翠鳥名也翹羽也

絳

曲瓊些

絳懸也曲瓊玉鈎也言內卧之室以砥石為屏平而滑澤以翠鳥之羽彫飾玉鈎以懸衣物也

或曰儺室謂儺曲房也

翡翠珠被

雄曰翡翠雌曰翠被衾也

爛齊光些

齊同也言牀上

之被則飾以翡翠之羽及與珠璣刻畫衆華其文爛然而同光明

弱阿拂壁

弱弱席也阿曲隅也

拂薄也羅幃儔

張些

羅綺屬也張施也言房內則以弱席薄牀四壁及與曲隅施羅幃輕且涼

也

纂組綺縞

纂組綴類也

結奇璜些

璜玉名也言幃帳之細皆用綺縞又以纂組結

東玉璜為幃帳之飾

室中之觀多珍怪些

金玉為珍詭異為怪言從觀房室之中四方珍

奇玩好怪物

蘭膏明燭

以蘭香練膏也

華容備些

容貌也言日暮游宴然香

無不畢具

蘭之膏張施明燭以觀其鎔鎔雕

二八侍宿

二八二列也言大夫

鏤百獸華奇好備也鎔都定切

有二列之樂左傳曰晉悼公賜

射逋代些

射厭也詩云服之無射逋

魏絳女樂二八歌鍾二肆也

射厭也

更也言使好女十六侍君宴宿意有厭

倦則使更相代也或曰通代夕暮也

九侯淑女也

多迅衆些

迅疾言復有九國諸侯好善之女多才長意用心齊疾勝於衆人也

盛鬋不同

制鬋鬋也

實滿宮些

宮猶室也爾雅曰宮謂之室言九侯之女工巧妍雅裝飾兩結垂鬋

下髮形貌詭異不與衆容態好比態姿也順彌代此久

同皆來實滿充後宮也言美女衆多其貌齊同姿態好弱顏固植志也

其有意些志堅固不可侵犯則零然發言中禮意者也

姱容脩態姱好貌也絀洞房些有美好之女其貌姱

好多意長智羣聚羅列娥眉曼睩曼澤也睩目騰光些

騰馳也言美女之貌娥眉玉貌好自曼靡顏膩理也

滑遺視睩些遺竊視也睩睩也言美女顏容脂緻身體

也離榭脩幕離別也脩長侍君之間些問靜也言願

宮別蘭帳幕之中侍君閒靜而宴游翡翠帷幄飾高堂些言復以翡翠之羽雕飾帷帳之

高堂以紅壁沙版紅赤貌也玄玉之梁些玄黑也言堂上四壁皆墜

樂君也之令之紅白又以丹沙盡飾軒版承以黑玉之梁五采分別也仰觀刻桷畫龍蛇些言

視龍蛇而成文章也坐堂伏檻檻楯也臨曲池些言坐於堂上前伏楯下臨曲水清池

可漁芙蓉始發芙蓉蓮華也雜菱荷些菱菱也秦人謂之薢茳言池中有芙蓉始

發其菱菱雜錯羅列而生俱盛貌也或曰紫莖屏風屏風

倚荷立生特倚也薢茳古買切若古后切水藻文綠波些言復有水藻生於池中其莖紫色風起水動波綠其葉而生文也或曰紫莖言

也荷葉紫色也屏風謂葉鄴風也文異豹飾豹猶虎侍陂陀些陂陀長陸也言侍從

文選

之人皆衣虎豹之皮異采之飾侍君堂偶衛階
陸也或曰侍陂池侍從於君遊陂池之中也
軒輶既

低軒輶皆輕車
步騎羅些
徒行為步乘馬為騎羅列也
言官屬之車既已屯止步騎

士衆羅列而
蘭蕙附於門戶外以玉木為
樹種也
瓊木籬些
柴落為籬言
所造舍種樹

其籬落守禦堅重又芬香也
魂兮歸來何遠為些
遠為

而不室家遂宗
食多方些
方道也言君九族室家
以衆盛人人曉味故飲

食之和多
稻粱穡麥
稻稌也粱稷也穡擇新
先熟者粱子夷切穡側角切
挈

黃粱些
麥糲也言飯則以稻糲稷擇新
大苦鹹酸
大苦

辛甘行些
辛謂椒薑也甘謂飴蜜也言取豉汁調和以
椒薑鹹酢和以飴蜜則辛甘之味皆發而行

也肥牛之腴

腴筋頭也

腴若芳些

腴若熟爛也言取肥牛之腴爛熟之則腴美也腴蘇

木切腴仁珠切

和酸若苦陳吳羹些

言吳人工作羹和調甘酸其味若苦而後甘者也

濡鼈炮羔

羔羊子也

有柘漿些

柘諸蔗也言復以飴蜜濡鼈炮羔令之爛熟取諸蔗之汁

以為漿飲也

鵠酸鷓鴣

鷓鴣小臠也鷓鴣子充切

煎鴻鵠些

鴻鵠鴈也鷓鴣也言復以醉

醬烹鵠為羹小鷓鴣臠鳧煎熬鴻鵠令之肥美也

露雞臠蟻

露雞露栖雞也有菜曰羹無菜曰臠蟻大

龜也蟻以規切厲而不爽些

厲烈也爽敗也楚人名羹曰爽言迺復烹露棲之肥雞臠蟻龜之肉

其味清烈不敗也

糒糒蜜餌有饒饒些

饒饒錫也以蜜和米麴熬煎作糒糒持黍作餌

又有美錫衆味甘具也

瑤漿蜜勺

瑤玉也勺沾也

實羽觴些

實滿也羽翠羽也觴觚也

言食已復有玉漿以蜜

挫糟凍飲

挫捉也凍冰也

酎清涼些

酎

酒也言盛夏則為覆感乾釀去其糟但取清酌居之冰上然後飲之酒寒清涼又長味好飲

華酌既

陳酌酒

有瓊漿些

言酒尊在前華酌陳列復有玉漿恣意所用者也

歸來歸來

反故室敬而無妨些

妨害也言君魂急來歸還反所居故室子孫承事恭敬長無禍害也

肴羞未通

魚肉為肴羞進也

女樂羅些

言肴饌已具進舉在前賓主之禮慙慙未通則

女樂列

陳鐘按鼓

按徐也

造新歌些

言乃奏樂作音而撞鐘徐鼓造為新曲之

歌與衆

涉江采菱楊發荷些

楚人歌曲也言已涉彼大江南入湖池采取菱芰發

揚荷葉翳屈原背去朝

美人既醉朱顏酡些

朱赤也酡著也言美

堂隱伏草澤失其所也

女飲唱醉飽則面
著赤色而鮮好也
娛光眇視
娛戲也
目層波些
波華也言美人

醉樂顧望娛戲身有光
采眇然白黑分明精若水波而重華
被文服
纖文謂綺綉

也纖謂麗而不奇些
麗美貌也不奇奇也猶詩云不顯羅穀也

容美麗誠長髮曼鬋
曼澤也
豔陸離些
豔好貌也左氏傳曰宋華督見孔父

足怪奇也
之妻目逆而送之曰美而豔言美人長髮工
結鬋鬋滑澤其狀豔美儀貌陸離而難形也
二、齊容

齊同起鄭舞些
鄭舞鄭國舞也言二、美女其儀容齊一被服同飾奮袂俱起而舞也或曰鄭

重折屈
而舞也
衽若交竿撫案下些
撫抵也言舞者便旋衣衽掉搖回轉相拘狀如交竹

竿以抵案而
徐徐行者也
竿瑟狂會
狂猶病也
鳴鼓些
填擊也言衆樂並會吹竿

彈瑟又填擊鼓以進八音為之節也

宮庭震驚發激楚些

激清聲也言衆樂並會宮庭之

內莫不震動驚駭復作激楚之聲以發其音也

吳歈

俞蔡謳

吳蔡國名也歈謳皆歌也

奏大

呂些

大呂律名也周官曰舞雲門奏大呂言乃復使吳人歌謠蔡人謳吟進雅樂大呂五音六律聲和調

也士女雜坐亂而不分些

言醉飽酣樂合尊促席男女雜坐比肩齊膝恣意調戲亂

而不分

放陳組纓

組纓

班其相紛些

紛亂也言男女共坐除其威嚴放其

冠纓舒陳印綬班然相亂不可整理也

鄭衛妖玩來雜陳些

鄭衛國名也妖玩好女也

雜廁也陳列也言鄭衛二國復遣妖玩好女來雜廁俱坐而陳列之

激楚之結

激感也結頭髻也結

吉諧切

獨秀先些

秀異也言鄭衛妖女工於服飾其結殊形能感楚人之心故秀異獨前而先進

也 崑 蔽象棊 崑 玉蔽薄箸以玉飾之也 有六簿此投

或言崑路今之箭囊也

六

箸行六棊故為六簿也言宴樂既畢乃分曹竝進曹偶

也

道相迫些

道亦迫也言分曹列耦並進校巧投箸行棊

謂並用射

成梟而牟

倍勝為牟

呼五白些

五白簿齒也言已

射張食棊下逃於窟故

呼五白以助投者也

晉制犀比

晉國名也制作費白

日些

費光貌也言晉國工作簿棊著比集

鏗鐘揺簾鏗

也揺

楔梓瑟些

鳴大鐘左右歌吟鼓琴瑟楔古入切

娛酒不廢

娛樂

沉日夜些

言雖以酒相娛樂不廢政事

酒不發旦也詩曰明發不寐言歡娛日夜湛
樂也又曰和樂且耽言晝夜以酒相樂也
蘭膏明燭

華燈錯些

言燈錠盡雕琢錯鏤飾飾以禽獸有英華

結撰至思

撰猶博也

蘭芳假

些

假至也書曰假于上下言蘭芳以喻賢人君能結撰博思至心以思賢人賢人即至也

人有所

極同心賦些

賦誦也言衆座之人各欲盡情與已同心者獨誦忠與道德

耐飲既盡

歡樂先故些

故舊也言飲酒作樂盡已歡欣者誠欲樂我先祖及與故舊人

魂兮歸來

反故居些

言魂神宜急來歸還楚國居舊故之處安樂無憂

亂曰獻歲發春兮

獻進也

汨吾南征些

征行也言歲始來進春氣奮揚萬物皆感氣而生自傷放逐獨南行也

茱蘋齊葉兮

爾雅曰茱玉芻也

白芷生些

言屈原放時茱蘋之草其葉適齊白芷萌

牙方始欲生懷所見自傷哀也路貫廬江兮左長薄出

猶詩云昔我往矣楊柳依依也

也廬江長薄地名言屈原行先出廬江

治

過歷長薄在江北時東行故言左者也倚沼畦瀛兮

也畦猶區也瀛池中

遙望博

遙遠也博平也言循江而

也楚人名澤中曰瀛

池

望平博青驪結馬兮純黑為驪結連齊千乘齊同也言

無人也

青驪結馬

也四馬為駟也

齊千乘

屈原嘗與

君俱獵於此官屬駕駟馬或懸火延起兮顏蒸懸火

青或黑連車千乘皆同服也

懸火延起

兮顏蒸

懸火

也玄天也言已時從君夜獵懸燈林木之中步及驟處

其火延起燒於野澤烟上蒸天使黑色也

步及驟處

兮驟走也誘騁先誘導也騁馳也言獵時有步行者有

處止也誘騁先

乘馬走驟者有處止者分以圍獸已

獨馳騁為抑驚若通兮抑止也驚馳

君先導也抑驚若通兮抑止也若順也引車右還還轉也

言抑止

馳驚者順通其獲引

與王趨夢兮課後先

夢澤中也楚名澤中為夢

車右轉以遮獸也

與王趨夢兮

課後先

夢澤中也楚名澤中為夢

中左氏傳曰楚大夫鬬伯比與鄒公之女淫而生子弃

諸夢中言已與懷王俱獵趨於夢澤之中課第羣臣先

至後君王親發兮

發射也

憚青兕

憚驚也言懷王是時親自射獸驚青兕牛而不

能制也言嘗侍從君田獵

朱明承夜兮

朱明謂日也承續也

時不

今乃放逐數而自傷閔也

朱明承夜兮

朱明謂日也承續也

可淹淹淹久也言歲月逝往晝夜相續

皋蘭被徑兮

皋澤

也被覆也

斯路漸

漸沒也言澤中香草茂盛覆被徑路

人無采取者水卒增溢漸沒其道將

棄捐也以言賢人久處山

湛湛江水兮

湛湛水貌

上有楓

野君不事用亦將隕顛也

湛湛江水兮

湛湛水貌

上有楓

名也言湛湛江水浸潤楓木使之茂盛傷已不蒙君惠

而身放棄曾不如樹木得其所也或曰水旁林木中鳥

而身放棄曾不如樹木得其所也或曰水旁林木中鳥

而身放棄曾不如樹木得其所也或曰水旁林木中鳥

而身放棄曾不如樹木得其所也或曰水旁林木中鳥

而身放棄曾不如樹木得其所也或曰水旁林木中鳥

而身放棄曾不如樹木得其所也或曰水旁林木中鳥

而身放棄曾不如樹木得其所也或曰水旁林木中鳥

而身放棄曾不如樹木得其所也或曰水旁林木中鳥

而身放棄曾不如樹木得其所也或曰水旁林木中鳥

而身放棄曾不如樹木得其所也或曰水旁林木中鳥

而身放棄曾不如樹木得其所也或曰水旁林木中鳥

而身放棄曾不如樹木得其所也或曰水旁林木中鳥

而身放棄曾不如樹木得其所也或曰水旁林木中鳥

而身放棄曾不如樹木得其所也或曰水旁林木中鳥

而身放棄曾不如樹木得其所也或曰水旁林木中鳥

獸所聚不
可居也

目極千里兮傷春心

言湖澤博平春時草短望見千里令人愁思而

傷心也或曰蕩春心蕩滌也言春時平望遠可以滌蕩愁思之心

魂兮歸來哀江南

言

魄當急來以歸江南土地僻遠山林嶮峻誠可哀傷不足處也

招隱士一首

序曰招隱士者淮南小山之所作也小山之徒閔傷屈原身雖沈沒名德

顯聞與隱處山澤無異故作招隱士之賦以彰其志也

劉安

漢書曰淮南王安為人好書招致賓客數千人後伍被目詣吏具告與淮南謀反上

使宗正以符節劾王未至自刑殺也

王逸注

桂樹叢生兮

桂樹芬香以興屈原之忠良也

山之幽

遠去朝廷而隱藏也

偃蹇連

卷兮

客貌美好德茂盛也

枝相繚

信義枝結條理成也以言才德高明宜輔賢君損幹也

山

氣隴從兮

岑峯嶮峻雲壩鬱也壩鳥孔切

石嵯峨

嵯峨嶮薛峻蔽日也

谿谷嶄巖

兮

崎嶇間爲險阻僂也間呼雅切爲子軌切僂苦滑切

水層波

涌躍滢沛流迅疾也

援狔羣

嘯兮

禽獸所居志樂伏也狔余救切

虎豹嘯

猛獸爭食欲相齧也以言山谷之中幽深險阻非君

子之所處猿狔虎豹非賢者之偶也

攀援桂枝兮

登引山木遠望愁也

聊淹留

便旋中野立踟躕也

王孫遊兮

隱士避世在山隅也

不歸

違背舊土棄室家也

春草生

兮

萬物蠢動抽萌芽也

萋萋

垂條吐葉紛榮華也

歲暮兮

年齒已老壽命衰也

不自聊

中心煩亂
常含憂也
蟋蟀鳴兮
喜呼號也
啾啾
秋節將至悲嘹
也言物盛則衰

樂極則憂不宜
久隱失盛時也
塊兮軋
霧氣味也
山曲岬
盤結也
心淹留兮
望志

絕
惘荒忽
亡妃匹也
罔兮沕
精氣失也
憭兮慄
心剝切也
虎豹岵
岵穿

岵音料
岵音血
叢薄深林兮
橫棘也
人上慄
恐變色也
嶽崙碣礧兮
阜

岵岵
碣礧
崔巍
樹輪相糾兮
交錯扶疎
林木茷飀
枝葉好

茷音
青莎雜樹兮
草木列居
蘋草霍
髓
靡
隨風披敷
白鹿麕麇兮

衆禽
或騰或倚
走住殊異
狀貌嶮嶮兮
峨峨
頭角甚殊
淒淒兮漣

漣淒淒漣漣
毛衣若濡
獼猴兮熊羆
百獸皆具也
慕類兮以悲
哀已不遇也從

此已上皆陳山林傾危草木茂盛麋鹿所居虎
兕所聚不宜育道德養情性欲屈原還歸郢也攀援桂

枝兮

配託香木
誓同志也

聊淹留

踟躕徘徊
待明時也

虎豹鬬兮

殘賊之獸
忽急怒也

熊羆咆

貪殺之獸
跳梁吼也

禽獸駭兮

雉兔之羣
驚奔走也

亡其曹

違離鄉
黨失羣

偶王孫兮歸來

旋反舊也
入故字也

山中兮不可以久留

害難隱
誠多患

也處

文選卷三十三

欽定四庫全書

文選卷三十四

梁蕭統編

唐李善註

七上

七發八首

七發者說七事以啓發太子也猶楚詞七諫之流

枚叔

漢書曰枚乘字叔淮陰人也為吳王濞郎中善屬辭武帝以蒲輪徵之乘死於路

楚太子有疾而吳客往問之曰伏聞太子玉體不安亦

少間乎

言玉美之也史記新垣衍謂魯連曰觀先生之玉貌論語曰子疾病間孔安國曰少差曰間也

太子曰憊謹謝客

說文曰謝辭也

客因稱曰今時天下安寧四

宇和平太子方富於年

凡人之幼者將來之歲尚多故曰富也

意者久耽

安樂日夜無極邪氣襲逆中若結轡

言邪氣入內而為逆其堅若結也管

子曰邪氣襲內玉色乃衰素問岐伯曰邪氣內著絕人長命說文曰轡車籍文革也轡音色

紛屯澹

淡噓唏煩醒

紛屯淡澹憤耄煩悶之貌也王逸楚辭注曰歔歔啼貌方言曰哀而不泣曰唏噓與

歔古字通唏許冀切列子曰季梁病矯氏曰病猶精慮煩散也毛萇詩傳曰病酒曰醒

惕惕怵怵

臥不得瞑

尚書曰怵惕惟厲中夜以興素問岐伯曰不得臥者是陽明之逆

虛中重聽

惡聞人聲

素問曰何謂虛答曰精氣奪則虛黃帝八十一問曰陰病惡聞人聲精神越漈

百病咸生

呂氏春秋曰精神勞則越高誘曰越散也鄭玄毛詩箋曰漂發也

聰明眩曜

悅怒不平

王逸楚辭注曰眩曜惑亂貌也

久執不廢大命乃傾太子豈

有是乎

鄭玄禮記注曰廢止也毛萇詩傳曰廢猶去也毛詩曰曾是莫聽大命以傾

太子曰

謹謝客賴君之力時時有之然未至於是也

言賴君之力天下太

平故久耽安樂時有此疾也

客曰今夫貴人之子必宮居而閨處內

有保母外有傳父欲交無所

禮記曰孔子曰古者男子外有傳父內有慈母又曰

其次為保母鄭玄曰保母安其居處者也

飲食則溫淳甘腍腥醲肥厚

溫淳謂凡

味之厚也韓子曰夫香美腍味甘口病形厚酒肥肉粿理皓齒而損精說文曰腍腍易破也腍昌芮切腥肥肉

也池真切說文曰

衣棠則雜還曼煖燂燂熱暑

曼輕細也說文

燂厚酒也女龍切

曰燂火熱也詳廉切

雖有金石之堅猶將銷鑠而挺解

也

韓子曰雖與金石相鑿兼天下未有日也高誘呂氏春秋注曰挺猶動也賈逵國語注曰鑠銷也

況

其在筋骨之間乎哉故曰縱耳目之欲恣支體之安者

傷血脉之和且夫出輿入輦命曰廢痿之機

呂氏春秋曰出則以

車入則以輦務以自佚命曰怡廢之機高誘曰怡至也

廢機門內之位也乘輦於宮中游翔至於廢機故曰務

以佚也枚乘引怡廢而為廢痿未詳乘之謬

洞房清宮

為好奇而改之聲類曰怡嗣理切廢渠月切

命曰寒熱之媒

呂氏春秋曰室大多陰臺高多陽多陰則廢多陽則痿此陰陽不適之患也高

誘曰屢逆寒疾也
痿屢不能行也

皓齒娥眉命曰伐性之斧

呂氏春秋曰靡粍皓

齒鄭衛之音務以自樂命曰伐性之斧高誘曰靡粍細

理弱肌美色也

皓齒謂齒如瓠犀也鄭國淫僻以其淫

僻滅亡故曰甘脆肥膿命曰腐腸之藥

呂氏春秋曰肥肉厚酒務以相

伐性之斧也

甘脆肥膿命曰腐腸之藥

呂氏春秋曰肥肉厚酒務以相

強命曰爛腸之食高誘注老子云五味入口爽傷故謂之爛腸之食廣雅曰脆弱也清歲切膿厚之味也今

太子膚色靡曼四支委隨筋骨挺解

王逸楚詞注曰靡細也曼澤也隨不

能屈伸也血脉淫濯手足情窳

淫濯謂過度而且大也爾雅曰淫過也又曰濯大也郭璞

方言注曰情懈墮也應劭越女侍前齊姬奉後

越絕書曰越王

漢書注曰窳弱也餘乳切越女侍前齊姬奉後越絕書曰越王
飾美女西施鄭巴使大夫種獻之於吳王曰越王勾踐
竊有天子之遺西施鄭巴越不敢當使獻之大王吳王

大悅齊姬齊女也毛詩曰豈其取妻必齊之姜如淳漢書注曰姬衆妾之總稱也往來游燕縱

恣於曲房隱間之中此甘餐毒藥戲猛獸之爪牙也所

從來者至深遠淹滯永久而不廢王逸楚辭注曰淹久也雖令扁

鵲治內巫咸治外尚何及哉史記曰扁鵲名越人得長桑君

禁方視病盡見五臟韓子曰扁鵲謂晉桓侯曰君有疾在腠理猶可湯熨若在骨髓司命不能鑿也桓侯初不

信後病遣召扁鵲鵲逃桓侯遂死又曰巫咸今如太子

之病者獨宜世之君子博見強識禮記曰博聞強識而讓謂之君子也承

間語事變度易意楚詞曰願承常無離側以為羽翼高誘

注呂氏春秋曰羽翼佐也

淹沉之樂浩唐之心遁佚之志其奚由志

哉

唐猶蕩也

太子曰諾病已請事此言

客曰今太子之病可無藥石針刺灸療而已可以要言

妙道說而去也

言可無用藥石唯可用要言也莊子瞿鵲子問長梧子曰夫子以為孟浪之言

也而我以為妙道之行也

不欲聞之乎太子曰僕願聞之客曰龍門

之桐高百尺而無枝

周禮曰龍門之琴瑟孔安國尚書傳曰龍門山在河東之西界魯連

子曰東方有松栢高千仞而無枝也

中鬱結之輪菌根扶疏以分離

鬱結隆高

之貌也說文曰扶疏四布也張晏漢書注曰輪菌委曲也

上有千仞之峯下臨百丈

之谿

包咸論語注曰七尺曰仞

湍流遡波又澹淡之

遡波逆流之波也澹淡搖蕩之

貌也其根半死半生冬則烈風漂霰飛雪之所激也夏則

雷霆霹靂之所感也

感觸也莊子曰異鵲感周之類也

朝則鸛黃鵠鳴

鳴焉

爾雅曰鸛鵠黎黃高唐賦曰王睢鸛黃禮記曰仲冬曷旦下鳴鄭玄曰曷旦鳥也郭璞方言注曰鳥

似雞冬無毛晝夜鳴鵠與曷竝音渴鵠音旦也

暮則羈雌迷鳥宿焉獨鵠晨號

乎其上的鷦鷯哀鳴翔乎其下

楚辭曰鷦鷯鳴而悲鳴

於是背秋涉

冬使琴摯斫斬以為琴野繭之絲以為絃

論語曰師摯之始闕雉之

亂洋洋乎盈耳哉鄭玄曰師摯魯太師也以其工琴謂之琴摯猶京房善易謂之易京野繭野蠶之繭也東觀

漢記曰光武二年野蠶成繭被山民收為絮孤子之鈞以為隱九寡之珥以

為約古樂府有孤子生行賈逵國語注曰鈞帶鈞也桓子新論曰琴隱長四十五分隱以前長八分列女

傳曰魯之母師九子之寡母也不幸早喪夫獨與九子居蒼頡篇曰珥珠在耳也珥人志切字書曰約亦的字

也都狄切使師堂操暢伯牙為之歌師堂樂師也韓詩外傳曰孔子學鼓

琴於師堂子京而不進師堂子京曰夫子可以進孔子曰丘已得其曲未得其數也琴道曰竟暢遠則兼善天

下無不通暢故謂之暢列子曰伯牙善鼓琴也歌曰麥秀漸兮雉朝飛宋玉笛賦曰麥

秀漸兮鳥華翼埤蒼曰漸麥芒也慈斂切向虛壑兮背槁槐說文曰槁與槁古字通依

絕區兮臨迴溪飛鳥聞之翕翼而不能去野獸聞之垂

耳而不能行蚊螻蟻聞之柱喙而不能前

周書曰蚊行喙息說

文曰蚊行也凡生類之行皆謂之蚊又曰螻蟻也居兆切方言曰南楚或謂蛄為螻爾雅曰蟻蚋蟬也柱陟羽

切此亦天下之至悲也太子能強起聽之乎太子曰僕

病未能也

客曰獨牛之腴菜以筍蒲

說文曰獨以芻莖養國牛也國語曰獨葵幾何獨或為嫌

未詳說文曰腴腹下肥者毛

肥狗之和冒以山膚楚苗

之食安胡之飯

禮記曰士無故不殺大豕和謂和羹也鄭玄禮記注曰芼菜也謂以菜調和之

也冒與芼古字通山膚未詳楚苗山出禾可以為食淮南子曰苗山之鉦高誘曰苗山楚山也安胡未詳一曰

安胡彫胡也宋玉風賦曰為臣炊彫胡之飯搏之不解一啜而散禮記曰無

切說文曰啜於是使伊尹煎熬易牙調和呂氏春秋曰嘗也穿劣切伊尹說湯以

至味又白公曰若以水投水奚若孔子曰淄澠之合者易牙嘗而知之熊蹯之臠勺藥之

醬左氏傳曰宰夫臠熊蹯不熟方言曰臠熟也音薄耆而韋昭上林賦注曰勺藥和齊鹹酸美味也

之炙鮮鯉之膾薄耆未詳一曰薄切獸耆之肉而以為炙也耆今人謂之耆頭毛詩曰炮鱖膾

秋黃之蘇白露之茹茹菜之總名也蘭英之酒酌以滌口漢書

曰百味旨酒布蘭生晉灼山梁之餐豢豹之胎論語曰曰布列芬芳若蘭之生山梁雌

雉時哉時哉鄭玄曰孔子山行見一雌雉食其梁粟杜預左氏傳注豢養也音宦六韜曰武王伐紂得二大夫

而問之曰殷國將有妖乎對曰有殷君陳玉杯小飯大象箸玉杯象箸不盛菽藿之羹必將熊蹯豹胎

歎如湯沃雪

說文曰歎飲也昌悅切沃雪言易也家語孔子曰人之棄惡如湯之灌雪焉

此

亦天下之至美也太子能彊起嘗之乎太子曰僕病未能也

客曰鍾岱之牡齒至之車

漢書曰趙地鍾岱石北迫近胡寇如淳曰鍾所在未聞石

山險之限在上黨曲陽呂氏春秋曰代故馬郡宜馬齒至之車未詳或說曰公羊傳曰先軫謂晉侯曰君馬齒至也言以齒至馬駕車也戰國策曰

驥之齒至矣服檻車而上太行也

前似飛鳥後類距

虛

黃子曰駿馬有晨風黃鵠皆取鳥名馬言走疾若飛也范子曰千里馬必有距虛呂氏春秋曰距虛鼠後

而免以構麥分劑而食馬馬肥故
前 稱麥服處躁中煩外中躁而外煩也王逸楚詞注

曰稻粱稱麥享黃梁左氏傳慶鄭謂晉侯曰
今乘異產將與人易張脉債興外強中乾 羈堅轡附

易路易平也於是伯樂相其前後王良造父為之御秦缺

樓季為之右呂氏春秋曰古之善相馬者若趙之王良

秦之伯樂尤盡其妙文子曰伯樂相之王
良御之史記曰周繆王使造父為御西巡狩秦缺未詳

韓子曰夫獵託車輿之安用六駕之足使王良佐轡則

身不勞而易及輕獸今捨車輿則雖樓季之走無時 此兩

及獸矣許慎淮南子注曰樓季魏文侯之弟也 兩人秦缺樓季也家語

人者馬佚能止之車覆能起之顏回曰東野之御善則

善矣其馬 於是使射干鎰之重爭千里之逐史記曰田

公子馳逐重射孫子見其馬足不甚相遠有上中下輩
於是謂田忌曰君第重射臣能令君勝忌然之與射千
金及臨質孫子曰今以君之下駟與彼上駟取君之上
駟與彼中駟取君中駟與彼下駟既馳三輩而忌一不
勝而再勝卒得千金賈逵國語注曰一鎰二十四
兩韓子曰王子期為趙簡王取道爭千里之發也此亦
天下之至駿也太子能彊起乘之乎太子曰僕病未能
也

客曰既登景夷之臺南望荆山北望汝海左江右湖其

樂無有

景夷臺名孔安國尚書傳曰荆山在荊州郭璞
山海經注曰汝水出魯陽山東北入淮海汝稱

海大言之也戰國策魯君曰楚王登荆臺南
望獵山左江右湖其樂之忘死無有天下無有於是使博

辯之士原本山川極命草木

辭連類

禮記孔子曰屬辭比事春秋教也
韓子曰多言繁稱連類比物也

浮游覽觀乃

下置酒於虞懷之宮

虞懷宮
名也

連廊四注

鄭玄周禮注曰
四阿若今四注

也臺城層構紛紜玄綠輦道邪交黃池紆曲

黃當為湟
湟城也

涵章白鷺孔雀鸚鵡

名未詳

鸚鵡
鸛
鵲
翠
鬘
紫
纓

鬣首
毛也

纓頸毛也

螭龍德牧邕邕羣鳴

螭龍德牧竝鳥形未詳
爾雅曰邕邕鳴聲和也

陽魚

騰躍奮翼振鱗

曾子曰鳥魚皆生於陰而屬於陽故鳥魚皆卵生魚遊於水鳥飛於雲

淑

溲 藿 蓼 蔓 草 芳 苓

言水清淨之處生藹藹二草也上林賦曰悠遠長懷寂寥無聲液與寂音

義同也字書曰藹藉草也丈尤切藉音猪毛
女桑河柳
萇詩傳曰藜水草也力鳥切苓古蓮字也

素葉紫莖

毛詩曰倚彼女桑毛萇曰女桑萇桑也爾
雅曰檉河柳郭璞曰今河旁赤華小楊也苗

松豫章條上造天

苗松未詳一曰苗山之松豫章木
名也孔安國尚書傳曰造至也梧

桐并閭極望成林

張揖上林賦注
曰并閭樓也

衆芳芬鬱亂於五風

遁甲開山圖曰女媧沒大庭

從容猗靡消息陽陰

消滅也息

氏之王有天下五風異色也
生也林木茂盛隨風披靡故或陽或陰也文
子曰與陰俱閉與陽迭開消息或為須臾也列坐縱酒

蕩樂娛心景春佐酒杜連理音

孟子景春曰公孫衍張
儀豈不誠大丈夫哉孟

子曰是焉得為大丈夫劉熙曰景春孟子時人為縱橫
之術者史記曰上召子弟佐酒如淳漢書注曰今樂家

五日一習樂為理
樂杜連未詳也

滋味雜陳肴糈錯該王逸楚詞注
練

色娛目流聲悅耳

埤蒼曰練擇也
爾雅曰流擇也

於是乃發激楚之結

風揚鄭衛之皓樂

文穎上林賦注曰激衛激急風也結
風回風亦急風也楚地風氣既漂疾

然歌樂者猶復依激結之急風為節其樂促迅哀切也
淮南子曰揚鄭衛之皓樂此齊民所以淫佚流湎也許
慎曰鄭衛新聲所出國也皓使先施徵舒陽文段干吳

樂善倡也皓下或有齒字誤

使先施徵舒陽文段干吳

娃閭姬傳予之徒

皆美女也先施即西施也戰國策魯
仲連謂孟嘗君曰君後宮十妃皆衣

縞紵食梁肉豈毛鷹先施哉徵舒段干傳予皆未詳一曰
左氏傳曰楚莊王欲納夏姬申公巫臣曰不可今納夏
姬貪其色也史記曰夏姬徵舒母也淮南子曰不待脂
粉西施陽文也許慎曰陽文楚之好人也吳娃已見上

文孫卿子曰閭姬子奢莫之媒韋昭雜裾垂髻目窈心與

漢書注曰閭姬梁王魏嬰之美人司馬彪子虛賦注曰髻燕尾也窈當為挑史記曰目挑心招張晏漢書注曰挑嬈也髻所交切揄流波

雜杜若

言引流波以自潔雜杜若以為芳杜若見下注說文曰揄引也

蒙清塵被蘭澤

列子曰穆王為中天之臺鄭衛之處子施芳澤雜芷若以滿之神女賦曰沐蘭澤含芳嫵服而御尚書大傳曰古者后夫人至於房中釋朝服襲嫵服入御於君也此亦天下之靡麗皓

侈廣博之樂也太子能彊起游乎太子曰僕病未能也

客曰將為太子馴騏驥之馬駕飛軫之輿乘牡駿之乘

廣雅曰馴擾也說文曰騏驎文如綦也尚書大傳曰未命為士車不得有飛軫鄭玄曰如今憲車也力廷切

右夏服之勁箭左鳥號之彫弓

夏服已見子虛賦服即今步义也鳥號已見子

虛賦又古考史曰柘樹枝長而勁鳥集之將飛柘起彈鳥鳥乃號呼此枝為弓快而有力因名也

游涉

乎雲林周馳乎蘭澤弭節乎江潯

雲林雲夢之林楚詞曰義和弭節兮字林

曰潯水涯也

掩青蘋游清風

方言曰掩息也呂氏春秋曰崑崙之蘋也張揖子虛賦注曰青

蘋似莎而大

陶陽氣蕩春心

薛君韓詩章句曰陶暢也陽氣春也神農本草曰春夏為陽楚

辭曰目極千里蕩春心王逸曰蕩春心蕩滌也

逐狡獸集輕禽

言射而矢集於輕禽也左氏傳

曰楚君親集矢於其目闕子曰矢集於彭城之東並以所止為集也

於是極犬馬之才困

野獸之足窮相御之智巧

文子曰無相御之勞而致千里也

恐虎豹懼

鷲鳥

爾雅曰鷲鳥懼恐也

逐馬鳴鑣魚跨麋角

逐馬馳逐之馬鳴鑣鑣鳴於鑣也魚跨跨

度魚也麋角

執麋之角也履游麋兔蹈踐麋鹿汗流沫墜寃伏陵窘

陵猶促也說文曰窘迫也

無創而死者固足充後乘矣此校獵之至

壯也太子能彊起游乎

李奇漢書注曰以五校兵出獵

太子曰僕病未

能也然陽氣見於眉宇之間侵淫而上幾滿大宅

周書曰民

有五氣喜氣內蓄雖欲隱之陽氣必見大宅未詳

客見太子有悅色也遂推而

進之曰寘火薄天兵車雷運

鄭玄詩箋曰寘夜也廣雅曰薄至也王逸楚辭注曰

運轉也音旋也

旌旗偃蹇羽旄肅紛馳騁角逐慕味爭先徼墨

廣博望之有圻

墨燒田也言逐獸於燒田廣博之所而觀望之有圻圻也墨或為塵也說文曰

圻地圻圻

純粹全犧獻之公門

尚書父師曰乃攘竊神祇之犧牲牲孔安國曰

也魚斤切

色純曰牲體完曰牲應劭漢書注曰粹淳也毛詩曰獻于公所

太子曰善願復聞之客

曰未既

孔安國尚書傳曰既盡也

於是榛林深澤烟雲闇算兕虎竝

作

算闇貌也說文曰算日冥也

毅武孔猛袒裼身薄

左氏傳曰致果為毅毛萇詩傳

曰孔甚也毛詩曰袒裼暴虎毛萇曰袒裼肉袒也孔安國尚書傳曰薄迫也

白刃磴磴矛戟

交錯

莊子孔子曰白刃交前視死若生者烈士之勇也六韜書刀銘曰刃刺磴磴牛哀切

收獲掌

功賞賜金帛

鄭玄周禮注曰掌主也

掩蘋肆若為牧人席

張揖上林賦注

曰掩覆也毛萇詩傳曰肆陳也

旨酒嘉肴羞魚膾炙以御賓客

毛詩曰旨酒思

柔又曰嘉肴脾臠又曰魚鼈鮮魚鄭玄曰魚火熟之漢書東方朔曰生肉為膾毛詩曰以御賓客也

涌觴

並起動心驚耳誠必不悔決絕以諾貞信之色形于金

石高歌陳唱萬歲無數

言游獵歡宴忠誠為之必不悔事之決絕但以一諾不俟再

三毛詩序曰貞信之教興家語孔子曰夫鍾鼓之音憂而擊之則悲喜而擊之則樂故志誠感之通于金石而況人乎哉孔安國尚書傳曰戮厥也此真太子之所喜也能彊起而游乎

太子曰僕甚願從直恐為諸大夫累耳然而有起色矣

客曰將以八月之望

孔安國尚書傳曰十五日日月相望

與諸侯遠方交

游兄弟竝往觀濤乎廣陵之曲江

漢書廣陵國屬吳也

至則未見

濤之形也徒觀水力之所到則卹然足以駭矣

卹然驚恐貌

觀其所駕軼者所擢拔者所揚汨者所溫汾者所滌沔

者

爾雅曰駕陵也杜預左氏傳注曰軼突也蒼頡篇曰擢抽也孔安國尚書傳曰汨亂也古沒切溫汾轉之

貌也爾雅曰鐵沔也郭璞曰謂摩近沔許乞切

雖有心略辭給固未能縷形其

所由然也

略智也縷辭縷也

恍兮忽兮聊兮慄兮混汨汨兮

老子

曰恍兮忽兮其中有物脚慄恐懼之貌

忽兮恍兮俶兮儻兮

廣雅曰俶儻卓異也

浩

漭漭兮慌曠曠兮秉意乎南山通望乎東海

爾雅曰秉執也

虹

洞兮蒼天極慮乎崖涘

虹洞相連貌也莊子曰出於崖涘毛萇詩傳曰涘涯也虹胡洞

切流攬無窮歸神曰母

言周流觀覽而窮然後歸神至日所出也春秋內事云日者陽

德之母

汨乘流而下降兮或不知其所止

方言曰汨疾貌也為畢切或

紛紜其流折兮忽繆往而不來

言衆浪紛紜其流曲折或錯繆俱往而不迴流

臨朱汜而遠逝兮中虛煩而益怠

朱汜蓋地名未詳地

莫離散而

發曙兮內存心而自持

莫離散謂精神不離散也發曙發夕至曙也說文曰曙旦明也

於是澡槩曾中灑練五藏

毛萇詩傳曰灑灑也槩與灑同練猶汰也莊子曰愁其五

藏澹澈手足頰濯髮齒

澹澹猶洗滌也澈胡敢切說文頰洗面也頰呼潰切掄弃

恬怠輸寫渙濁

方言曰輸脫也王逸楚詞注曰渙垢濁也勅顯切

分決狐疑發

皇耳目

楚詞曰心猶豫以狐疑謚法曰明者曰皇也風賦曰發明耳目

當是之時雖有

淹病滯疾猶將伸偃起蹙發瞽披聾而觀望之也

廣雅曰偃

曲也郁禹切淮南子曰遺蹙者履然蹙蹙不能行也必亦切

沉直眇小煩懣醒醲病

酒之徒哉故曰發蒙解惑不足以言也

素問黃帝曰發蒙解惑未足以論也

太子曰善然則濤何氣哉客曰不記也然聞於師曰似

神而非者三疾雷聞百里

言聲似疾雷而聞百里一也

江水逆流海

水上潮

言能令江水逆流上潮也

山出內雲日夜不止

山內雲而日夜不止三也

行溢漂疾波涌而濤起

小雅曰行散也說文曰漂浮也

其始起也洪淋

淋焉若白鷺之下翔

說文曰淋山下水也淋或為汧聲類曰汧漂也口伶切

其少

進也浩浩澄澄如素車白馬帷蓋之張

浩浩深廣之貌也澄澄高白之

貌也帷或為幃音韋幃帳也

其波涌而雲亂擾擾馬如三軍之騰裝

高唐賦曰奔揚踊而相擊雲興聲之需需雲亂也許慎淮南子注曰裝束也

其旁作而奔起

也飄飄馬如輕車之勒兵六駕蛟龍附從太白

以蛟龍若馬而

駕之其數六也淮南子曰昔馮遲太白之御六雲霓游微霧驚忽荒許慎曰馮遲太白河伯也

純馳浩

蜺前後絡驛

賈逵國語注曰純專也浩蜺即素蜺也波濤之勢若素蜺而馳言其長也顯顯

印印梧梧疆疆莘莘將將

顯顯印印波高貌也梧梧疆疆相隨之貌梧據於切疆渠

章切莘莘多貌也將將高

貌也莘所中切莘或為莘

壁壘重堅脊雜似軍行陰符

曰并我勇力重堅壁壘應劭漢書注曰沓合也行戶剛切協韻也

訇隱訇磕軋盤涌裔

原不可當

軋塊無垠貌也盤謂盤礴廣大貌涌裔行貌也

觀其兩傍則滂渤拂

鬱閣漢感突上擊下律有似勇壯之卒

律當為碑碑膚骨切

突怒

而無畏蹈壁衝津窮曲隨隍踰岸出追

說文曰隍水曲也上林賦曰觸

窮石激堆碕郭璞曰沙堆也都迴切追亦堆字今為追古字假借之也

遇者死當者壞初

發乎或圍之津涯菱軫谷分

或圍蓋地名也言涯如轉而谷似裂也一曰涯如草

轉也方言曰菱根也謂草之根也一迴翔青篋銜枚檀

本無菱字許慎淮南子注曰軫轉也迴翔青篋銜枚檀

桓青篋檀桓蓋並地名也迴翔水復流也銜枚水無聲

也周禮曰銜枚氏鄭玄曰止言語詭譎也枚大如箸

橫銜也弭節伍子之山通厲骨母之場弭節已見上文史

投之於江吳人立祠於江上因名胥母山王逸楚辭注

曰高厲遠行也越絕書曰闔廬旦食鮓山晝游於胥母

疑骨母字凌赤岸篋扶桑橫奔似雷行赤岸蓋地名也

之誤也至赤岸山謙之南徐州記曰京江禹貢北江春秋分朔

輒有大濤至江乘北激赤岸尤更迅猛然並以赤岸在

廣陵而此文勢似在遠方非廣陵也說文曰篋掃竹也

山海經曰湯谷上有扶木扶木者扶桑也十日所浴之

地誠奮厥武如振如怒毛詩曰王奮厥武如震沘沘渾

如怒毛萇曰震猶威也沘沘渾

岸覆虧丘陵平夷西畔

言水之勢既蕩南山又擊北岸丘陵為之顛覆然後平夷西畔

險險戲戲崩壞陂池決勝乃罷

合戰決勝而後乃罷

滌汨潺湲披

揚流灑

滌泌節波相楔也汨密汨水流疾也字書曰潺湲流貌也

橫暴之極魚鼈失

勢巔倒偃側沈沈湲湲蒲伏連延

沈沈湲湲魚鼈巔倒之貌也蒲伏即匍匐

也連延相續貌沈禹牛切

神物怪疑不可勝言直使人踣焉洄閶悽

愴焉

郭璞爾雅曰踣前覆也薄北切洄與回同也

此天下怪異詭觀也太子

能彊起觀之乎太子曰僕病未能也

客曰將為太子奏方術之士有資畧者

孔安國論語注曰方道也晉灼

漢書注曰：若莊周、魏牟、楊朱、墨翟，便蜎詹何之倫。呂氏春秋

中山公子牟謂詹何：身在江海之上，心居魏闕之下，高

誘曰：子牟謂公子也。詹子古得道者也。淮南子曰：雖有

鉤鉞芳餌，加以詹何，蜎螺之數猶不能與罔罟爭得也。

高誘曰：蜎螺，白公時人。宋玉集曰：宋玉與登徒子偕受

釣於玄淵。七略曰：蜎子名淵，楚人也。然三文雖殊，其一人也。使之論天下之精微理

人也。然三文雖殊，其一人也。使之論天下之精微理

萬物之是非。家語曰：卜商好論精微，時人無以尚也。孫卿子曰：是是非非，謂之智也。孔老

覽觀孟子持籌而算之，萬不失一。漢書張良曰：臣借前箸以籌之，音義曰：以

籌度之也。直流切。史記蒯通曰：以此參之，萬不失一。老或為左也。此亦天下要言妙道

也。太子豈欲聞之乎？於是太子據几而起曰：渙乎！若一

聽聖人辯士之言，怱然汗出，霍然病已。

怱，汗貌也。莊子曰：「泚然汗出，怱

乃顯切。霍，

疾貌也。

七啓八首

并序

曹子建

昔枚乘作七發，傅毅作七激，張衡作七辯，崔駰作七依辭，各美麗，余有慕之焉。遂作七啓，并命王粲作焉。

玄微子隱居大荒之庭。

玄微，幽玄精微也。山海經曰：「大荒之中有山，名曰大荒之山，日

月所入是謂大荒之野中也。

飛遯離俗，澄神定靈。

九師道訓曰：「遯而能飛，吉孰大焉？」淮

南子曰單豹背世輕祿傲貴與物無營莊子曰夫輕爵祿人者之所託

離俗巖居谷飲也材司馬彪曰材身也蔡邕釋誨曰安貧樂賤與世無營也耽虛好靜羨此永生列子曰莫

如靜莫如虛靜也虛也得其居獨馳思於天雲之際無物象而能傾舞賦

曰獨馳思乎杳冥左氏傳韓簡曰物生而後有象於是鏡機子聞而將往說焉

鏡機鏡照機微也駕超野之駟乘追風之輿超野追風言疾也經迥漠

出幽墟入乎泱泱之野遂屆玄微子之所居子虛賦曰過乎泱泱

之其居也左激水右高岑子虛賦曰其西則激水推移爾雅曰山小而高曰岑也

背洞溪對芳林冠皮弁被文裘儀禮曰皮弁服素積鄭玄曰皮弁者曰鹿皮為

冠象上古也文襄文狐之裘也

出山岫之潛穴倚峻崖而嬉遊

爾雅曰山有穴

為志飄飄焉嘒嘒焉似若狹六合而隘九州

山海經曰地之所載

六合之間也

若將飛而未逝若舉翼而中留於是鏡機子攀

葛藟而登距巖而立

毛詩曰南有樛木葛藟纍之孔安國尚書傳曰距至也

順風

而稱曰

莊子曰黃帝聞廣成子在崆峒之上故往見之黃帝順風膝行而進

予聞君子不

遯俗而遺名智士不背世而滅勲

周易曰遯而無悶幽通賦曰保身遺名民

之表兮鄭玄毛詩箋曰遺忘也又禮記注曰名令聞也背世已見上注

今吾子棄道藝之

華遺仁義之英耗精神乎虛廓廢人事之紀經

韓子曰精神日

耗蒼頡篇曰耗消也史記太史公曰春秋上
明三王之道下辯人事之經紀耗呼到切 譬若畫形

於無象造響於無聲

言像因形生響隨聲發今欲無聲而造響圖象而無形豈有得哉孫

卿子曰下之和上譬響之應聲影之像形揚雄解難曰譬若畫者放於無形絃者放於無聲也

未之思

乎何所規之不通也

論語子曰未之思也

玄微子俯而應之曰諄

有是言乎

鄭玄禮記注曰諄愁恨之聲也諄與嘻古字通也諄欣甚切

夫太極之初

渾沌未分萬物紛錯與道俱隆

漢書曰太極元氣分三為一

為天地人也春秋說題辭曰元清氣以為天渾沌無形體宋均曰言元氣之初如此也渾沌未分也言氣在易

為元在老為道義不殊也

盖有形必朽有跡必窮

列子曰形必終也

芒芒元

氣誰知其終

春秋命歷序曰元氣正則天地八卦也

名穢我身位累我躬

莊子曰行名失已非士也又魏文侯曰夫魏真為我累耳

竊慕古人之所志仰老莊

之遺風

思玄賦曰慕古人之真節毛詩序曰有堯之遺風如淳漢書注曰遺餘也

假靈龜以

託喻寧掉尾於塗中

莊子曰楚王使大夫往聘莊子莊子曰吾聞楚有神龜死已三千歲

矣王中笥而藏之於廟堂之上此龜者寧其死為留骨而貴乎寧其生而曳尾塗中乎二大夫曰寧生曳尾塗中莊子曰往矣吾將曳尾於塗中也

鏡機子曰夫辯言之豔能使窮澤生

流枯木發榮庶感靈而激神況近在乎人情僕將為吾

子說游觀之至娛演聲色之妖靡

羽獵賦曰游觀侈靡爾雅曰演廣也尚書

仲虺曰惟王不邇聲色列子隰
朋曰妖靡盈庭忠良滿朝也
論變化之至妙敷道德

之弘麗願聞之乎玄微子曰吾子整身倦世
倦世倦於人間之世

也探隱拯沉
爾雅曰探取也難蜀父老曰拯民於沈溺說文曰出溺為拯
不遠遐路

幸見光臨將敬滌耳以聽玉音
尚書大傳曰天下諸侯受命於周莫不玉音金

聲鏡機子曰芳菰精稗霜蓄露葵
張揖上林賦注曰彫菰米也宋玉諷賦曰

玉人之女為臣炊彫胡之飯說文曰稗禾別名稗與稗
古字通薄懈切毛詩曰我行其野言采其遂鄭玄曰遂

牛薤遂與蓄音義同也宋玉
諷賦曰為臣煮露葵之羹也
玄熊素膚肥豢膿肌
鄭玄周禮

注曰大豕曰豢膿
肥貌也女龍切
蟬翼之割剖纖析微
蟬翼言薄也楚辭曰蟬翼為重

也累如疊穀離若散雪輕隨風飛刃不轉切山鷄斥鷃

珠翠之珍

鷄已見南都賦莊子曰鷄搏扶搖而上斥鷃笑之曰彼奚適也許慎淮南子注曰鷄雀飛

不過一尺言劣弱也斥與尺古字通珠翠珠光也南方異物記曰採珠人以珠肉作鮓也寒芳苓之

巢龜膾西海之飛鱗

寒今肝肉也鹽鐵論曰煎魚切肝羊淹鷄寒劉熙釋名曰韓雞本出

韓國所為寒與韓同史記曰有神龜在江南嘉林中常巢於芳蓮之上苓與蓮同西海飛鱗即文鱈也山海經曰泰器之山濩水出馬是多鱣魚常行西海而游於東海夜飛而行臙江東之潛鼉鰐漢

南之鳴鵲

說文曰臙肉羹也蒼頡解詁曰鵲少汁臙也于充切

糝以芳酸甘和既

醇鄭玄禮記注曰糝雜也醇已見上注

玄冥適鹹蓐收調辛

禮記曰北方其神玄冥北

方水也尚書曰水曰潤下潤下作鹹禮記曰西方紫蘭其神蓐收西方金也尚書曰金曰從革從革作辛

丹椒施和必節

禮斗威儀曰君秉金而王其政平則蘭常生鄭玄曰主給調和也張衡七辯曰

芳以椒薑拂以木蘭

滋味既殊遺芳射越

上林賦曰衆香發越郭璞曰香氣射散也乃

有春清縹酒康狄所營

毛詩曰為此春酒鄭玄禮記注曰清酒今之中山冬釀接夏而

成也縹綠色而微白也博物志曰杜康作酒戰國策曰

梁王請為魯君舉觴魯君曰昔帝女儀狄作酒而美進

之於禹禹飲而甘之應化則變感氣而成

淮南子曰物類之相應故

東風至而酒沉溢高誘曰東風木風也木味酸入酒故

酢而沉者沸蓋非類相感也春秋說題辭曰黍為酒陽

援陰乃能動故以麥黍為酒宋衷曰麥陰也先

漬麴黍後入故曰陽援陰相得而沸是其動也彈徵則

苦發叩宮則甘生

禮記曰季夏之月其音徵其味苦又曰中央土其音宮其味甘也

於

是盛以翠樽酌以彫觴浮蟻鼎沸酷烈馨香

釋名曰酒有沉齊浮

蟻在上汎汎然漢書曰田延年謂霍光曰今羣臣鼎沸上林賦曰酷烈淑郁也

可以和精神可以

娛腸

精神人之精爽也

此肴饌之妙也子能從我而食之乎玄微

子曰予甘藜藿未暇此食也

韓子曰糲糧之飯藜藿之羹也

鏡機子曰步光之劍華藻繁縟

越絕書曰孔子從弟子七十人往奏勾踐乃身

被賜夷之甲帶步光之劍藻文采也說文曰縟繁采飾也

飾以文犀彫以翠綠

國語曰奉

文犀綴以驪龍之珠錯以荆山之玉

莊子曰千金之珠在九重之淵而驪

龍領下韓子曰楚人和氏得璞玉於楚山之中也陸斷犀象未足稱雋隨波截

鴻水不漸刃聖主得賢臣頌曰巧冶鑄干將之璞陸斷犀

牛馬水擊鴻鴈華戰國策蘇秦說韓王曰韓卒之劍陸斷

廣雅曰漸漬也九旒之冕散耀垂文劉梁七舉曰九旒

禮曰弁師掌王之五冕諸侯纁九就鄭玄曰就成也每

纁九成則九旒也應劭漢官儀曰冕公侯九旒者也華組之纁從風紛紜禮記曰玄冠丹組纁諸侯之齊冠

又曰纁佩則結綠懸黎寶之妙微戰國策應侯謂秦王曰梁有懸黎宋有結

綠而為天符采照爛流景揚輝劉淵林蜀都賦注曰符

景光補蔽之服紗縠之裳孔安國尚書傳曰諸侯自龍

衣紗縠單衣也

金華之鳥動趾遺光

言以金華飾鳥故動足而有飾光也劉欣期交州記

曰金華出珠崖如淳漢書注曰遺餘也

繁飾參差微鮮若霜緄佩綢繆或

彫或錯

說文曰緄織成帶也古本切

薰以幽若流芳肆布

說文曰薰火烟上出

也若杜若也若稱幽若猶蘭曰幽蘭也擬古詩曰屢見流芳歇毛萇詩傳曰肆陳也

雍容閒步周

旋馳燿

聖主得賢頌曰雍容垂拱左氏傳晉公子謂楚子曰晉楚治兵若不獲命則與君周旋也

南

威為之解顏西施為之巧笑

戰國策曰晉文公得南威三日不聽朝遂推而遠之

曰後世必有以色亡其國者列子曰列子師老商氏五年之後夫子始一解顏而笑西施已見上文毛詩曰巧笑倩

兮

此容飾之妙也子能從我而服之乎玄微子曰予

好毛褐未暇此服也

鄭玄毛詩箋曰褐毛布也

鏡機子曰馳騁足用蕩思游獵可以娛情

子虛賦曰終日馳騁曾不

下與又曰游獵之地饒樂若此者乎歸田賦曰聊以娛情

僕將為吾子駕雲龍之飛

駟飾玉輅之繁纓

馬有龍稱而雲從龍故曰雲龍也周禮曰凡馬八尺已上為龍又曰玉輅

錫樊纓鄭玄曰樊讀如鞞謂今之馬大帶也纓今馬鞅繁與鞞古字通

垂宛虹之長綏抗招

徠之華旌

楚辭曰建雄虹之綏旌禮記曰天子殺則下大綏鄭玄曰綏當作綏綏有虞氏之旌旗也

禮記曰招搖在上急繕其怒鄭玄曰繕讀為勁畫招搖星於其上以起居堅勁軍之威怒也

捷忘歸

之矢秉繁弱之弓

儀禮曰司射搢三挾一箇鄭玄曰搢插也楚甲切新序曰楚王載繁弱之

弓忘歸之矢以射隨兕於夢也

忽躡景而輕驚逸奔驥而超遺風

景日景也

躡之言疾也呂氏春秋伊尹說湯曰青龍之匹遺風之乘高誘曰皆馬名也疾若比遺風

於是礮填

谷塞榛數平夷緣山置置彌野張罟

鄭玄周禮注曰彌遍也

下無

滿跡上無逸飛鳥集獸屯然後會圍

廣雅曰屯聚也

獠徒雲布

武騎霧散

說文曰獠獵也韓子曰雲布風動羽獵賦曰武騎聿皇封禪書曰雲布霧散

丹旗

耀野戈殳皓旰

南都賦曰耀野暎雲

曳文狐揜狡兔

禮斗威儀曰其君乘上而

王南海輸以文狐史記李斯曰牽黃犬逐狡兔方言曰掩覆也

捐鷗鷁拂振鷺

鷗鷁振鷺皆鳥

之當軌見藉值足遇踐

西京賦曰當足見碾值輪被轢也

飛軒電逝獸

隨輪轉

孫該琵琶賦曰飄風雷逝舒疾無力

翼不暇張足不及騰

西京賦曰鳥不

暇舉獸

不得發動觸飛鋒舉挂輕曾

西都賓曰鳥驚觸絲獸駭值鋒曾亦固也班固漢書

序曰鷹隼未擊曾

戈不施於蹊隧也搜林索險探薄窮阻

廣雅曰草騰山

赴壑風厲焱舉

古詩曰涼風率已厲楚辭曰焱遠舉兮雲中王逸注云焱去疾貌說文曰焱火

也華機不虛發中必飲羽

孔安國尚書傳曰機弩牙也子虛賦曰弓不虛發中必決皆呂

氏春秋曰養由基射兕中石矢

飲羽高誘曰飲羽飲矢至羽也於是人稠網密地逼勢

脅哮闕之獸張牙奮鬣

毛詩曰進厥虎臣闕如虓虎毛萇曰虎闕虎怒也哮與虓同也

志在觸突猛氣不懼

懼已見上文

乃使北宮東郭之儔

孟子曰北

宮黜之養勇也不膚撓不目逃思以一毫挫於人若撓
於市朝趙岐曰北宮姓黜名也呂氏春秋曰齊有好勇
者一人居東郭一人居西郭卒然相遇於塗曰姑相飲
乎觴數行曰姑求肉乎一人曰子肉也我肉也因抽刀
而相**生抽豹尾分裂犴肩**爾雅曰犴似狸**形不抗手骨不隱拳**

爾雅曰抗禦也服虔漢書注曰隱築也於瑾切**批熊碎掌拉虎摧斑**掌熊蹠也孟子曰熊掌亦我所欲也斑虎文**野無毛類林無羽羣積獸如陵**也上林賦曰被斑文

飛翮成雲

羽獵賦曰創淫輪夷丘累陵聚

於是駢鍾鳴鼓收旌弛旆周禮

曰鼓皆駢鄭玄曰雷擊鼓曰駢駢頓網縱網羅獠迴邁

古駢字杜預左氏傳注曰弛解也**頓網縱網羅獠迴邁**
頓猶捨也說文曰縱緩也**駿騶齊驤揚鑿飛沫**南都賦曰驤騶齊鑿舞賦曰龍驤橫舉揚

鑲飛沫也俯倚金較仰撫翠蓋

西京賦曰戴翠冒倚金較說文曰較車上曲鉤高唐賦曰

蛻為旌翠為蓋

雍容暇豫娛志方外

國語優施曰我教汝暇豫之事君韋昭曰暇閒也豫

樂也杜預左氏傳注曰方法也

此羽獵之妙也子能從我而觀之乎

高唐

賦曰傳言羽獵

玄微子曰予樂恬靜未暇觀也

鏡機子曰間宮顯敞雲屋皓旰

李充高安館銘曰增臺顯敞雲屋言高若雲也

班婕妤自傷賦曰仰視兮雲屋雙涕下兮橫流

崇景山之高基迎清風而立觀

基若景山言極高也毛萇詩傳曰崇立也毛詩曰陟彼景山地理書曰迎風觀在鄴也

彤軒紫柱

文懷華梁

劉梁七舉曰丹墀縹壁紫柱紅梁也

綺井含葩金墀玉箱

金墀猶金

祀也西京賦曰金祀玉階玉箱猶玉房也溫房則冬服絺絺清室則中夏含

霜劉駒駘玄根頌曰前殿冬絺李尤函谷關賦曰盛夏臨漂而含霜焉華閣綠雲飛陞陵

虛魯靈光殿賦曰飛陞揚孽緣雲上征頻眺流星仰觀八隅魯靈光殿賦曰中坐垂景

頻視流星

升龍攀而不逮眇天際而高居

崔駰七依曰升龍於天者

雲也西京賦曰翔龍仰而不逮周易曰豐其屋天際翔也繁巧神怪變名異形班輸

無所措其斧斤離婁為之失睛

鄭玄禮記注曰公輸匠師也般若之族多伎巧

者也孟子曰離婁之明趙岐曰古之明目者也蓋黃帝時人也麗草交植殊品詭類綠

葉朱榮熙天曜日

熙光也

素水盈沼叢木成林

楚辭曰含素水而蒙

深

飛翮陵高鱗甲隱深於是逍遙暇豫忽若忘歸

楚辭曰觀

者潛予忘歸也

乃使任子垂釣魏氏發機

莊子曰任子為大釣巨緇五十牂以為餌

躡會稽投竿東海旦而釣暮年不得魚已而魚大食之牽巨釣陷沒而下驚揚而奮鬚白波若山吳越春秋曰越王欲伐吳范蠡進善射者陳音越王問其射所起馬音曰黃帝作弓以備四方後有楚狐父以其道傳羿羿傳逢蒙蒙傳楚琴氏琴氏傳大魏大魏傳楚三侯麋侯翼侯魏侯也芳餌沈水輕繳弋飛

吳越春秋大夫種曰深川之魚死於芳餌

落翳雲之翔鳥援九淵之靈龜

賈誼

弔屈原曰襲九淵之神龍

然後采菱花擢水蘋

子虛賦曰外發芙蓉菱花許慎淮南子注

曰擢引也毛萇詩傳曰蘋大萍

弄珠蚌戲鮫人

揚雄蜀都賦曰蚌含珠而擘裂劉淵林吳都賦

注曰鮫人諷漢廣之所詠覲游女於水濱韓詩序曰漢廣悅人也詩

曰漢有游女不可求思耀神景於中沚被輕縠之纖羅

薛君曰游女謂漢神也毛詩曰宛在水中沚遺芳烈而靖步抗皓手而清歌廣雅

子虛賦曰雜纖羅也曰抗歌曰望雲際兮有好仇天路長兮往無由楚辭曰君誰須

兮雲之際毛詩曰君子好仇枚乘樂府曰美人在雲端天路隔無期佩蘭蕙兮為誰修燕

婉絕兮我心愁楚辭細秋蘭兮為佩王逸注曰修飾也毛詩曰燕婉之求毛萇曰燕安也婉順

也鄭玄曰本求此宮館之妙也子能從我而居之乎玄

燕婉之人也微子曰予耽巖穴未暇居此也巖穴隱者所居黃石公記曰主聘巖穴事乃得

實也

鏡機子曰既游觀中原逍遙間宮情放志蕩淫樂未終

亦將有才人妙妓遺風越俗

漢書曰傳昭儀少為才人韋昭曰才伎人也廣雅曰

遺離也

楊北里之流聲紹陽阿之妙曲

史記曰紂使師涓作新淫之聲北里

之舞靡靡之樂淮南子曰夫歌采菱發陽阿鄭人聽之不若延靈以和

爾乃御文軒臨洞

庭

文畫飾也軒殿檻也洞庭廣庭也尸子曰文軒無四寸之鍵則車不行莊子曰黃帝張咸池之樂於洞庭

也新語曰高臺百仞文軒彫窻也

琴瑟交揮左箎右笙

廣雅曰揮動也毛萇詩傳曰竹

曰箎鍾鼓俱振簫管齊鳴

廣雅曰振動也毛詩曰簫管備舉

然後姣人乃

被文縠之華袿振輕綺之飄飖

毛詩曰佼人僚兮劉熙釋名曰婦人上服謂之

袿戴金搖之熠燿揚翠羽之雙翹

宋玉諷賦曰主人之女垂珠步搖來排臣

戶西京雜記曰趙飛燕為皇后其弟上遺黃金步搖毛萇詩傳曰熠燿鮮明也司馬彪續漢書曰皇太后入廟

先為花勝上為鳳皇以翡翠為毛曰王逸楚辭注曰翹羽名也

揮流芳耀飛文

韓康伯周易注曰揮散也

歷盤鼓煥續紛

張衡舞賦曰盤鼓煥以駢羅

長裾隨風悲歌入雲

列子

曰薛談學謳於秦青辭歸青餞於郊撫節悲歌響遏行雲也

躡捷若飛蹈虛遠蹠

廣雅

曰蹠趨行也今為蹠古字無定也廣雅曰蹠履也

凌躍超驤蜿蜒揮霍

楚辭曰超驤推

阿西京賦曰跳丸劍之揮霍也

翔爾鴻翥戢然鳬沒

爾雅曰翥舉也戢疾貌也戢測立切

縱輕體以迅赴景追形而不逮

西京賦曰紛縱體而迅赴不逮言疾也韓子曰

形影相飛聲激塵依違厲響

七略曰漢興善歌者魯人虞公發聲動梁上塵依違

猶徘徊也楚辭曰余思舊鄉心依違

才捷若神形難為象

舞賦曰彷彿神動又曰不可為

象於是為歡未漂白日西頽

東都賦曰士怒未漂方言曰漂歇也楚辭曰日杳杳

以西

散樂變飾微步中閨玄眉弛兮鈎華落收亂髮兮

拂蘭澤

鈎華已見洛神賦蘭澤已見上文也

形嬌服兮揚幽若

說文曰嬌南楚之外

謂好也嬌

紅顏宜笑睇眄流光

楚辭曰既含睇兮又宜笑王逸曰睇微眄貌

時與吾子攜手同行

毛詩曰惠而好我攜手同行

踐飛除即間房

司馬

彪上林賦注
曰除樓陛也

華燭爛幄幙張

秦嘉贈婦詩曰飄飄帷帳
熒熒華燭左氏傳曰子產

以幄幙行
動朱唇發清商

舞賦曰動朱唇神女賦曰朱唇的
其若丹宋玉笛賦曰吟清商追流

徵

揚羅袂振華裳九秋之夕為歡未央

九秋之夕言其
爽也古樂府有

歷九秋妾薄相行蘇
武詩曰懽樂殊未央

此聲色之妙也子能從我而游之

乎玄微子曰予願清虛未暇此遊也

鏡機子曰予聞君子樂奮節以顯義烈士甘危軀以成

仁

張衡應問曰貫高以端辭顯義論
語子曰志士仁人有殺身以成仁

是以雄俊之徒交

黨結倫重氣輕命感分遺身

西京賦曰輕死重氣結賞
連羣分分義也鄭玄禮記

注曰遺亡也

故田光伏劍於北燕公叔畢命於西秦

史記燕太子丹

謂田光曰丹所言者國大事也願先生勿泄也光曰諾退見荆軻曰吾聞長者為行不使人疑已今太子疑光

非節使也欲自殺以激

果毅輕斷虎步谷風

左氏傳曰殺敵為果

荆卿遂自剄公叔未詳

果毅輕斷虎步谷風

左氏傳曰殺敵為果

致果為毅李陵詩曰幸託不肖軀且當猛虎步

威懾萬

春秋元命苞曰猛虎嘯而谷風起類相動也

威懾萬

乘華夏稱雄

漢書曰天子畿方千里出兵車萬乘故稱萬乘之主尚書曰華夏蠻貊也

辭未

及終而玄微子曰善鏡機子曰此乃游俠之徒耳未足

稱妙也若夫田文無忌之儔乃上古之俊公子也

田文孟嘗

也無忌信陵也

皆飛仁揚義騰躍道藝游心無方抗志雲際

莊子

曰乘物以游心又曰應物無方晉灼漢書
注曰方常也楚辭曰放志游乎雲中也凌轢諸侯驅

馳當世

呂氏春秋曰凌轢諸侯說文曰轢車所踐也

揮袂則九野生風慷慨

則氣成虹蜺

說文曰揮奮也淮南子曰所謂一者上通九天下貫九野劉邵趙郡賦曰煦氣成虹

蜺揮袖起風塵文與此同未詳其本也

吾子若當此之時能從我而友之

乎玄微子曰予亮願焉

爾雅曰亮信也

然方於大道有累如何

鏡機子曰世有聖宰翼帝霸世

謂魏太祖孔安國尚書傳曰翼輔也

同量

乾坤等曜日月

乾坤天地也張超尼父頌曰合量乾坤參曜日月也

玄化參神與

靈合契

蔡邕陳留太守頌曰玄化治矣黔首用寧漢書五被說淮南王曰今陛下令雖未出化馳如神

劇秦美新曰與天惠澤播於黎苗威靈震乎無外國語

剖靈符地合神契

曰少

昊之衰九黎亂德韋昭曰九黎黎民九人尚書帝曰禹
惟時有苗弗率汝徂征孔安國曰三苗之民數干王誅
崔駰七依曰仁臻於行葦惠及乎黎苗四子

講德論曰威靈外覆公羊傳曰王者無外也超隆平於

殷周踵義皇而齊泰東都賦曰即士之中有周成隆平

薛綜曰踵繼也顯朝惟清王道遐均民望如草我澤如春班固

文紀述曰我德如風民應如草古長河濱無洗耳之士

歌行曰陽春布德澤萬物生光輝也

喬岳無巢居之民洗耳許由也琴操曰堯大許由之志

禪為天子由以其不善乃臨河而洗

耳毛詩曰嶺山喬岳也巢居巢父也皇甫謐逸士傳曰

巢父者堯時隱人常山居以樹為巢而寢其上時人號

曰巢是以俊乂來仕觀國之光尚書曰俊乂在官國語曰秦后來仕韋昭曰仕

於晉也周易曰觀國舉不遺才進各異方左氏傳曰楚

之先利用賓于王子囊曰晉君

舉不失選又曰不遺讚典禮於辟雍講文德於明堂左

傳曰隨武子曰典禮不易尚書曰帝乃正流俗之華說

誕敷文德毛詩曰矢其文德治此四國正流俗之華說

綜孔氏之舊章流俗已見上華說已見文賦舊章已見

氏傳曰舊章散樂移風國富民康解嘲曰散以禮樂風

不可忘也移風易俗天下皆寧春秋說題神應休徵屢獲吉祥尚

辭曰盡精竭思國富民康也書

曰休徵東京賦曰總故甘露紛而晨降景星宵而舒光

集瑞命備致嘉祥也

禮記威儀曰其君乘土而王其政太平時則甘露降鷄
冠子曰聖人其德上及泰清下及泰寧景星光潤史記
曰天精明時有赤方氣與青方氣相連赤方中有兩黃
星青方中有一黃星凡三星合為景星其狀無常出於
有道之國也
觀游龍於神淵聆鳴鳳於高岡
禮記威儀曰其
君乘水而王龜龍
被文而見神女賦曰婉若游龍周易曰潛龍勿用又曰
或躍在淵樂汁圖徵曰五音克諧各得其倫則鳳凰至
廣雅曰聆聽也毛
詩曰鳳凰鳴矣
此霸道之至隆而雍熙之盛際
漢書
曰漢家自有制度本以霸王道
雜之東京賦曰上下共其雍熙
然主上猶以沈恩之未
廣懼聲教之未厲
漢書司馬相如難蜀父老曰湛恩惠
汪濊尚書曰朔南暨聲教廣雅曰厲
高
也采英奇於仄陋宣皇明於巖穴
邊讓章華臺賦曰舉
英奇於仄陋書曰明

明揚及陋東都賦曰散皇此甯子商歌之秋而呂望所

以投綸而逝也淮南子曰甯戚商歌車下而桓公慨然而悟秋猶時也史記朱亥謂魏公子曰

此是効命之秋也尚書中候曰王至磻溪之水呂尚釣

下趨拜尚父變名曰望毛詩曰之子于釣言綸之繩

鄭玄曰以吾子為太和之民不欲仕陶唐之世乎法言曰或

問太和曰其在唐虞成周乎李軌曰天下於是玄微子

攘袂而興曰韓哉言乎近者吾子所述華淫欲以厲我

祇攬予心杜預左氏傳注曰勸厲也毛詩曰胡逝我梁祇攬我心至聞天下穆清明

君莅國史記曰漢興以來受命於穆清蔡邕釋誨曰生穆清之世稟淳和之靈毛萇詩傳曰莅臨也

覽盈虛之正義知頑素之迷惑

周易曰損益盈虛與時偕行薛君韓詩章句曰

素質也言人但有質朴無治人之材也

令予廓爾身輕若飛

劉梁七舉曰先生昭然神

悟霍而體輕

願反初服從子而歸

楚辭曰進不入以離尤退將復修吾初服公羊傳楚

莊王謂司馬子反曰吾亦從子而歸

文選卷三十四